

Gipuzkoako Emakumeen Etxeen eredura bidean: Etxeen ezaugarri nagusiak eta etorkizunerako erronkak

2021eko uztaila



GIPUZKOA
ETORKIZUNA ORAIN
Es futuro

elhuyar
ezagutuz aldatzea

AURKIBIDEA

1 Sarrera.....	3
2 Emakumeen Etxeen kokapen laburra	5
2.1. Zer dira Emakumeen Etxeak?	5
2.2. Zertarako sortu dira?	6
2.3. Nola sortu dira?	7
2.4. Gipuzkoako Emakumeen Etxeen mapa.....	8
3 Araudi-markoa	9
4 Gipuzkoako Emakumeen Etxeen eredura bidean: 6 zutabeak. ...	11
5 Gipuzkoan garatutako Emakumeen Etxeen eredua: ezaugarri nagusiak.....	12
6 Aurrera begirako erronkak.	33
Eranskina: Emakumeen Etxeen informazio orokorra eta jarduerak.....	34

1. SARRERA

Etorkizuna Eraikiz estrategiaren baitan, Gipuzkoako Foru Aldundiak Emakumeen Etxeak indartzeko lurralde-mailako egitasmoa jarriko du abian datozen hilabeteetan. Egitasmo horren helburu nagusia izango da **Gipuzkoako udalerrietako Emakumeen Etxeen gainean gogoeta partekatua sustatzea**, indarkeria matxistaren kontrako eta berdintasunerako ekipamendu estrategiko gisa lurralde-mailako eredia garatzeko. Horrela, apiriletik uztaile bitarte egitasmo esperimental hori diseinatzeko fasea garatu da.

Txosten honetan jasotzen den lehen emaitzan ekipamendu hauetatik eratortzen den **Gipuzkoako Emakumeen Etxeen eredia** biltzen da, sei zutabek osatua. Horrez gain, eredu hori praktikan jartzerakoan sumatzen diren **ahulezi eta indarguneak** jasotzen ditu dokumentuak, Emakumeen Etxeen eredia xehetu eta ezaugarri nagusiak aztertzen diren atalean.

Bestetik, bigarren emaitza moduan, diseinu-fase honetan eta gogoeta partekatuaren bidez **etorkizunera begira Gipuzkoako Emakumeen Etxeek dituzten erroka komunak** identifikatu dira, elkarrekin eta lurralde-mailan, ia bi urteko iraupena izango duen egitasmoaren bidez garatu ahal izango direnak.

Eranskin gisa txertatu dira **Emakumeen Etxe bakoitzaren inguruko informazio orokorra eta hauek eskaintzen dituzten jarduerak eta zerbitzuak**, txostenean jasotako informazioa osatzeko baliagarriak izango direlakoan.

Hala ere, gogoan izan dokumentu hau diseinu-fasearen lehen txostena dela. Horrekin esan nahi da, diseinu-fasearen garapena eta deskribapena, balorazioa eta erabilitako materiala biltzen dituen **Diseinu Fasearen Memoria Txostena** ere badagoela, informazio sakonagoa behar duen edonorentzat.



Azterketa hau egiteko **informazio-iturri hauek** erabili dira:

Batetik, Emakumeen Etxeen inguruan Euskal Herrian egin diren **ikerketa hauek** hartu dira aintzat:

1. *Indarkeria matxistari lotuta, Emakumeen Etxeen zeregina. Diagnostikoa eta indartzeko proposamenak*. EDE Fundazioa, Gipuzkoako Foru Aldundia, 2018.
2. *Construyendo articulación feminista en Gipuzkoa. Algunas ideas para la puesta en marcha de Casa de las Mujeres*. Monika Plazaola, GUNEA, Gipuzkoako Foru Aldundia, 2016.
3. *Komunitateak ehunduz herri ekimenetik*. Mari Luz Esteban Galarza (arg.), Euskal Herriko Unibertsitatea, 2020.

Bestetik, diseinu-fasean zehar Emakumeen Etxeetako koordinatzaileekin nahiz berdintasun-teknikariekin **bi lan-tailer antolatu dira**. Tailerretatik ateratako informazioa osatzeko **buruz buruko elkarrizketa telematikoak** eta Emakumeen Etxe bakoitzarekin osatutako **deskribapen-fitxak** egin dira.

Ezin esan gabe utzi diseinu-fasea eta bertatik ateratako emaitza nagusiak Emakumeen Etxeak dauzkaten udaletako **ordezkari politikoekin** nahiz Euskal Herriko Unibertsitateko eta Deustuko Unibertsitateko hainbat **irakaslerekin** alderatu direla.

Bukatzeko, esan beharra dago **egitasmo honen ibilbidea hasi besterik ez dela egin**, eta, datozen ia bi urteetan, diseinu-fase honetan identifikatutako erronkei aurre egiteko inspirazioa izan nahi duela txosten honek.

Nola? Lankidetzaz Gobernantzaren bidez, Gipuzkoako udalen, Emakumeen Etxeen, berdintasunaren aldeko emakume-elkarte eta Akademiaren arteko gogoeta partekatuen bidez.

Zertarako? Emakumeen Etxeen lanaren sistematizazioa hobetzeko, ekipamenduen kudeaketa publiko-komunitarioan sakontzeko, mugimendu feminista eta administrazioaren arteko harremana emankorragoa izateko, indarkeria matxistaren aurkako lanak fintzeko eta lurralde-mailako eredia garatzeko.

2. EMAKUMEEN ETXEEN KOKAPEN LABURRA

2.1. Zer dira Emakumeen Etxeak?

Emakumeen Etxearen inguruko definizio bakar bat eman ordez, interesgarriagoa izan daiteke martxan dauden **Emakumeen Etxeek euren burua nola definitzen** duten erreparatzea. Hauek dira, adibide gisa, Emakumeen Etxe batzuen definizioak¹:

ARRASATEKO EMAKUME TXOKOA

*Berdintasun Arloaren zerbitzu bat da mugimendu feministaren aldarrikapen historiko bati, **emakumeentzako espazio propio** baten beharrari, erantzuteko 2003an sortua. Ezaugarri hauek ditu:*

- Espazio bat **emakumeak ahalduentzeko**, emakumeen **topaketa-gune** bat eta **prestakuntza-leku** bat; gune bat **sareak josten joateko** elkarren artean, **konfiantza eta konplizitate giroan**.*
- **Gune ireki** bat da, eta harremanean dago **berdintasuna lantzen duten herri-eragileekin nahiz norbanakoekin** (beste mugimendu batzuekin aliantzazko harremanak ezartzen dira).*
- Bere bokazioa da **jendarte parekideagoa, askeagoa, jasangarriagoa eta goxagarriagoa garatzen joatea**. Arlo horretan erreferentziazko gunea da herrian.*
- Gune bat, koordinatzen dituen ekimenak eta zerbitzuak **emakumeen partaidetza sustatzeko** bizitzako eremu guztietan.*

AZPEITIAKO EMAKUMEEN TXOKOA

*Azpeitiko emakume eta gizonen arteko **parekidetasuna sustatzeko tresna** bat da. **Herriar guztiei irekita** dagoen espazioa da, emakume zein gizonen, eta guztiei zuzentzen zaiena. Benetako berdintasuna lortzeko ibilbidean, **emakumeen ahalduentzeari eta autonomiari** indarra eman, esperientzia eta ekarpenak **elkartrukatu, proposamenak egin eta kolektiboki eragiteko espazioa** da.*

DONOSTIAKO EMAKUMEEN ETXEA

*Donostiako Emakumeen Etxea 2010ean bertan hasi zen **ahalduntze-prozesu indibidual zein kolektiboak** sortzen, (...) sareak sortzen, eta **emakumeen parte-hartzea eta antolamendua** sustatzen.*

*Abiapuntutzat hartzen da bizi garen sisteman emakumeen eta gizonen arteko berdintasuna ez dela existitzen. Hori oinarri hartuta, Etxea, batetik, desberdintasuna errotik kentzeko lanean ari diren **talde eta elkarte guztiak antolatze**ko esparrua da eta, hala, indarrak eta sinergiak sortzen dituen topagune bilakatu da.*

*Eta, beste alde batetik, Etxeak beste eginkizun bat betetzen du: **mugimendu feminista hazi eta indartzeko** balio duen esparrua da.*

EIBARKO ANDRETXEA

*Udalaren Berdintasun Zerbitzuaren baliabidea da, eta **berdintasunaren eta tratu onen alde lan egiteko helburuarekin** bat datozen herriar guztien espazio irekia da. Gainera, **elkarlanerako, kultura-aniztasunerako, emakumeen ahalduntzerako, elkartegintzarako** eta hiritarren partaidetzarako gunea ere bada.*

¹ Informazio-iturria: Emakumeen Etxeen webguneak.

Definizio horietatik eratortzen diren Gipuzkoako Emakumeen Etxeen **helburu nagusiak** hauek dira:

- **Emakumeen ahalduntzea eta parte-hartze soziopolitikoa.**
- **Emakumeen eta gizonen arteko berdintasuna.**
- **Gune irekiak izatea: norbanako nahiz berdintasunaren aldeko talde eta elkarteentzako topagune izatea.**

2.2. Zertarako sortu dira?

Honenbestez, Emakumeen Etxeak **funsezko espazioak** dira emakume eta gizonen **berdintasunean aurrerapausoak** emateko, **emakumeen ahalduntze-prozesuak sustatzeko** eta **indarkeria matxistari aurre** egiteko.

Tokian toki Emakumeen Etxeek berariazko ezaugarriak badituzte ere, Emakumeen Etxe gehienek badute **oinarri komun** bat, elkarrekin lotzen dituen logika bat; eta, funtsean, **funtzio nagusi hauek** betetzen dituzte:

- **Emakumeen ahalduntze-prozesuak** sustatzea
- **Indarkeria matxistaren** eremuan prebentzioa eta sentsibilizazioa, detekzioa, deribazioa eta erreparazioa lantzea
- Emakumeen arteko nahiz emakume elkarten arteko **sareak eraikitzea**
- Emakumeei **lehen harrera konfiantza-giroan** eskaintzea

2.3. Nola sortu dira?

Emakumeen Etxeak erakunde publikoen nahiz herritarren arteko elkarlanetik sortzen dira. Gipuzkoako Etxeen jatorrian **bi sortze-prozesu ezberdindu** daitezke. Kasu batzuetan, mugimendu feminista izan da hasieratik eskakizuna egin eta Etxea lortzeko prozesuaren lidergoa eraman duena. Beste batzuetan, aldiz, Etxea berdintasun-sailaren politikaren edo prozesuaren ondorioa izan da; beti ere udal- eta emakume-taldeek osatzen duten berdintasun kontseiluekin elkarlanean².

Emakumeen Etxeen **sortze-prozesuak gako garrantzitsuak** dira. Sorburu horiek erabat lotuta daude **udalerri bakoitzaren ezaugarriekin**, eta herri horretan mugimendu feministak eta emakume-taldeek duten indarrarekin; edozein modutan, garrantzitsua da hasierako unetik bertatik egitasmoa benetako beharretatik abiatzea³.

Horregatik, Emakumeen Etxeen sorrerak udalerri- edo eskualde-mailan irudikatu eta eraiki dira orain arte, tokian toki **behetik gora garatzen** joan diren eta udalerri bakoitzaren behar eta ezaugarrietara egokitutako **partaidetza-prozesuen bidez**. Zentzu honetan, gainontzeko udal-ekipamenduen kasuan ez bezala, herritarrek egitasmo honekin lotutako zehaztapen guztiak definitzen (Etxearen helburuak, balio eta printzipioak, ezaugarriak, kudeaketa-eredua...) hartu dute parte, prozesu horiek etorkizunean **elkarlanean jarraitzeko hazia erein** dute, eta, funtsean, lan egiteko eta **politika publikoak egiteko modu jakin bat finkatu** dute.




² **Oharra:** Ikusi EDE Fundazioak Gipuzkoako Foru Aldundiarentzat 2018an egindako ikerketa hau: *Indarkeria matxistari lotuta, Emakumeen Etxeen zeregina. Diagnostikoa eta indartzeko proposamenak*.

³ **Oharra:** Ikusi *Construyendo articulación feminista en Gipuzkoa. Algunas ideas para la puesta en marcha de Casa de las Mujeres* izeneko azterlana; Monika Plazaolak Gipuzkoako Foru Aldundiarentzat 2016an egindakoa.

2.4. Gipuzkoako Emakumeen Etxeen mapa

Udalerri bakoitzaren errealitateetara egokitutako partaidetza-prozesu horien fruitu dira, beraz, gaur egun **Gipuzkoan dauden Emakumeen Etxeak**. 2003. urtean abiatu zuen bere ibilbidea Arrasateko Emakumeen Etxeak, eta harrezkero beste hainbat udalerri jarraitu dute Arrasatek hasitako bidea.

Mapa honetan⁴ morez irudikatu dira dagoeneko martxan dauden Emakumeen Etxeak, eta urdinez, berriz, Etxeak sortzeko partaidetza-prozesuak egiten ari diren edo egin dituzten udalerri eta eskualdeak⁵:



EMAKUMEEN ETXEAK DITUZTEN UDALERRIAK	EMAKUMEEN ETXEAK SORTZEKO PARTAIDETZA-PROZESUAK EGIN DITUZTEN UDALERRIAK
- Arrasate (2003) - Eibar (2004) - Donostia (2010) - Azpeitia (2011) - Hernani (2013) - Errenteria (2019) - Urola Garaia (2019) - Zarautz (2020) - Zumaia (2021) - Astigarraga (2021)	- Elgoibar (2020-2021) - Irun (2020-2021) - Tolosaldea (2018-2021) - Usurbil (2020-2021)

⁴ Informazio-iturria: [Berdintasuneko baliabideen mapa](#), Gipuzkoako Foru Aldundia. 2021eko ekaineko datua.

3. ARAUDI-MARKOA

Emakumeen Etxeek emakume eta gizonen berdintasunerako politikak gidatzen dituzten mandatu, arau, estrategia eta programazioak jarraitzen dituzte maila guztietan. Jarraian jaso ditugu mandatu eta programa esanguratsuenak:

NAZIOARTEAN

Emakumeen ahalduntzea berdintasunerako estrategia nagusi gisa:

- **Nazio Batuen Erakundeak** argi utzi zuen 1995ean antolatutako **Emakumeei buruzko IV. Mundu Konferentzian** giza garapena lortzeko funtsezkoa zela emakumeen eta gizonen arteko berdintasuna erdiestea, eta berdintasun hori lortzeko ezinbesteko estrategia emakumeen ahalduntzea izan behar zela. Hala aldarrikatu zuen **Adierazpenaren 13. artikuluan**: *“berdintasuna, garapena eta bakea lortzeko, funtsezkoa da emakumeen rola indartzea eta emakumeek berdintasun-baldintzetan parte hartzea gizartearen eremu guztietan nahiz erabakiak hartzeko prozesuetan, eta boterea eskuratzea”*.
- **NBEren Helburua Giza Garapena 2030** dokumentuan jasotako 17 helburutatik bat hau da: *“genero-berdintasuna lortzea eta emakume eta neska guztiak ahalduntzea”* (5. helburua). Era berean, emakumeen eta gizonen berdintasuna gainerako helburuetan ere zeharka landu eta garatu behar dela finkatzen du.

Emakumeen aurkako indarkeria matxistaren estrategiaren inguruan:

- Europako Kontseiluak 2011n **Emakumeen aurkako indarkeria matxistaren eta etxeko indarkeriaren aurkako eta honen prebentziorako Istanbulgo Konbentzioa** landu zuen, Emakumeen aurkako indarkeriari aurre egiteko **nazioarte-mailan irismen handiena duen hitzarmena** da, giza eskubideen urraketa larri gisa ulertzen baitu indarkeria-mota hori; espainiar Estatuak 2014an berretsi zuen hitzarmen hau.
- Bertan jasotako neurriei behar bezala erantzuteko tresna osagarriak izan daitezke Emakumeen Etxeak. Zehazki, **12. artikuluko 6. puntuan** jasotzen da *“aldeek beharrezko neurriak hartuko dituztela emakumeen ahalduntzea sustatzeko programak eta jarduerak bultzatzeko”*, edota 18. artikuluan aipatzen da *“lokal erreferente berberean ezartzea komeni direla emakumeentzako babes- eta laguntza-zerbitzuak”*.

EUSKAL AUTONOMIA ERKIDEGOAN

Emakumeen eta Gizonen Berdintasunerako 4/2005 Legearen xede nagusia da, berdintasunerako eskubidea praktikan aplikatzea.

Bertan, Legeak ezartzen du **Gipuzkoako Foru Aldundiaren betebeharretako bat dela tokiko berdintasunerako politikak sortzeko eta egonkortzeko sustapen-lana** egitea.

- **6. artikuluko 8. atalean** hau jasotzen da: *"Sustapen-neurriak ezartzea, udalek eta gainerako toki-entitateek bitarteko materialak, ekonomikoak eta giza baliabideak izan ditzaten, emakumeen eta gizonen berdintasuna erdiesteko diseinatutako programak eta jarduerak garatu ahal izateko"*.

Bestalde, iaz onartu zuen Eusko Legebiltzarrak **Legearen bigarren aldaketaren lege-proiektua**. Testu berrituan ezartzen da berdintasun-politiken **printzipio berriak** direla emakumeen ahalduntzea eta parte-hartzea:

- **Emakumeen ahalduntzea:** *"Euskal botere publikoek baldintzak ezarri behar dituzte eta behar diren egokitzapenak egin behar dituzte emakumeak ahalduntzen laguntzeko, emakumeen dibertsitatea kontuan hartuta"*.
- **Parte-hartzea:** *"Euskal botere publikoek ezinbestean sustatu behar dute talde feministen eta emakume-taldeen, gizarte-eragileen eta, oro har, herritar guztien partaidetza eta elkarrizketa politika publikoak garatzerakoan"*.

GIPUZKOAN

Gipuzkoako Foru Aldundiko Emakumeen eta Gizonen Berdintasunerako 2/2015 Foru Arauan aurrez aipatutako **emakumeen ahalduntzea eta berdintasunaren aldeko emakume-elkarteen parte-hartzea** sustatzea zehazten ditu Foru Aldundiaren eginbeharren artean.

- **8. artikuluko 3.I atalean** jasotako zeregin hau ere ezartzen dio: *"Neurriak ezartzea berdintasunaren aldeko emakumeen elkarte mugimendua indartzeko eta emakumeen jabekuntza zein partaidetza sozio-politikoa sustatzeko"*.
- **18. artikuluan** Berdintasunerako Organoaren jarduera-esparruez hitz egiten da, eta hau jasotzen da:
 - 1.b) *"Gipuzkoako udalerrietan emakumeen eta gizonen berdintasunerako proiektu estrategikoak babestea"*.
 - 1.e) *"Sareko lankidetza-espazioak martxan jarri eta garatzea, bai maila politikoan eta bai maila teknikoan, era horretan koordinazioa, trukea eta ikaskuntza sustatzeaz gain, udal- eta lurralde-mailan lan-prozesu kolektiboak abian jartzeko"*.
 - 2.f) *"Emakumeen jabekuntza indibidual eta kolektiboa sustatzen duten espazio eta prozesuak sortu eta finkatzen laguntzea, bereziki emakume gazteena eta ahultasun larrienean dauden emakumeena"*.

Bestalde, **Emakumeen eta Gizonen Berdintasunerako III. Foru Planean**, emakumeen ahalduntzearen esku-hartze ildoaren **8. Helburu Estrategikoa** *"Gipuzkoako emakumeen ahalduntze pertsonala eta kolektiboa indartzea"* da.

- Bertan, helburu operatiboetako bat hau da: *"Emakumeen elkarten, Emakumeen Etxeen eta ahalduntzeko eskolen lana indartzea, emakumeen ahalduntze pertsonala eta kolektiboa garatzeko tresna gisa"*.
- Eta hain juxtu aurreikusitako ekintzetako bat da **"Emakumeen Etxeen lurralde-mailako eredu propio bat garatzea"**.

4. GIPUZKOAKO EMAKUMEEN ETXEEN EREDURA BIDEAN: 6 ZUTABEAK

Gipuzkoako Emakumeen Etxeak anitzak badira ere, badituzte **bereizgarri komun** batzuk. Hain zuzen ere, Gipuzkoako Emakumeen Etxeen ereduaz hitz egitean esan nahi da **Etxeak zein zutabe edo oinarri nagusiren gainean eraikitzen** joan diren. Hein batean eredu hori Etxeentzat **norabide bat ezartzen dien ideala** dela esan daiteke, Emakumeen Etxeei norantz jo nahi duten irudikatzen laguntzen diena, nahiz eta Etxe bakoitzean oinarri edo ezaugarri horiek modu partikularrean garatu.

Egitasmo esperimentalaren diseinu-fase honetan identifikatutako lurralde-mailako **Emakumeen Etxeen zutabeak** 3 maila hauetan bereizi dira: gobernantza-ereduari dagokion oinarria; Etxeen misio edota funtzioei dagozkienak eta, azkenik, Etxeen nolakotasunari erreferentzia egiten dioten oinarriak⁶.

Gobernantza-eredua:	1. Ekipamendu publiko-komunitarioak		
Zertarako?	2. Ahalduntzeko eta emakumeen topaguneak sortzeko.	3. Indarkeria matxista ikuspegi integraletik lantzeko.	4. Mugimendu feministarekin aliantzak egiteko, eraldaketa sozialaren norabidean.
Nolakoak?	5. Gune seguruak, konfiantzazkoak eta epaiketarik gabekoak.	6. Aniztasuna ezaugarri eta helburu.	

⁶ **Oharra:** Oinarri horiek zehazteko ezinbesteko informazio-iturriak izan dira Etxeetako koordinatzaile nahiz berdintasun-teknikariekin egin diren tailer eta elkarrizketak, nahiz EDE Fundazioak Emakumeen Etxeen inguruan egindako azterlana.

5. GIPUZKOAN GARATUTAKO EMAKUMEEN ETXEEN EREDUA: EZAUGARRI NAGUSIAK

Jarraian, **Gipuzkoako Emakumeen Etxeen** eredu hori praktikan nola gauzatzen den jaso da. Alegia, **oinarri edo zutabe nagusi horiek Etxe bakoitzean nola garatzen** ari diren deskribatu da eta, aldi berean, bidean zer zailtasun eta beharrek ari diren topo egiten azaldu da.

Horretarako, zutabe bakoitzarekin lotutako **informazio esanguratsuena tauletan laburbildu** da: eguzkiaz lagundurik, taula berdeetan oinarrien deskribapena jaso da, eta hodei euritsuen azpian, laranjetan, oinarri horiekin lotutako zailtasunak edota beharrak.

Laburpen horren ondoren **xehetasun handiagoz eman dira azalpenak**.



1. EKIPAMENDU PUBLIKO- KOMUNITARIOAK



- **Erakunde publikoen eta herritarren arteko elkarlanetik sortzen dira.**
- **Sortze-prozesuaren garrantzia:** partaidetza-prozesuen bidez sortzen dira.
- **Bi sortze-prozesu mota** ezberdindu daitezke: emakumeek sustatuta batetik, eta udalek sustatuta, bestetik.
- Emakumeen egitasmorekiko atxikimenduan **bi faktore** nagusik lagundu ohi dute: euren eskaerari erantzuna eman izana, eta sortze-prozesutik emakumeak inplikatu izana.
- **Kudeaketa-ereduari** dagokionez, bi tipologia garatu dira: nagusiki udalek kudeatuta, edota kudeaketa partekatua.



- Publiko-komunitario **elkarlanean tentsio** batzuk sortzen dira: oro har, erakunde publikoen nahiz herritarren rola ez dago argi zehaztuta; eta lan egiteko modu eta erritmoetan talka batzuk sortzen dira.



Nola lantzen da oinarri hau?

Gipuzkoako Emakumeen Etxeak **erakunde publikoen eta herritarren arteko elkarlanetik** sortzen dira, eta lankidetzan oinarritzen dira. Ezaugarri hau **Europar esperientzia singularra** da, beste herrialde batzuetan batetik, eredu erabat instituzionalak edota, bestetik, erakundeetatik erabateko autonomia mantenduz garatutako ereduak gailentzen baitira.

Horrenbestez, **Emakumeen Etxeak bi helduleku garrantzitsu** dituzte: eragile feministek eta emakume-elkarteek sustapen-lan handia egin dute eta Etxeen dinamikan giltzarriak dira; baina, aldi berean, udalek eskaera eta behar horren lekukoa hartu eta bide eman diote. Beraz, Emakumeen Etxeetan **bi eremuek bat egiten dute: eremu publikoak eta eremu komunitarioak**.

Zentzu honetan, **sortze-prozesuek berebiziko garrantzia** dute: Emakumeen Etxeen sorrerak udalerrri- edo eskualde-mailan irudikatu eta eraiki dira orain arte. **Etxearen zehaztapen guztiak** (helburuak, ezaugarriak, jarduerak...) udalerrri bakoitzaren behar eta ezaugarrietara egokitutako **partaidetza-prozesuen bidez** garatu dira eta, ondorioz, sortze-prozesuan ez ezik, etorkizunean ere erakundeek eta herritarrek lankidetzan jarduteko baldintzak ezartzen dira. Behetik gora eraikitzen diren prozesu horiek elkar aitortza eta konfiantza lantzeko aukera eskaintzen dute eta, horrekin batera, lan egiteko modu bat, politika publikoak egiteko modu berritzaile bat, finkatzen dute.

Bi sortze-prozesu mota ezberdindu daitezke:

- Kasu batzuetan emakume-elkarte eta talde feministak izan dira hasieratik eskakizuna egin eta Etxea lortzeko prozesuaren lidergoa eraman dutenak;
- Beste batzuetan, berriz, Etxea udalek sustatutako berdintasun-politiken ondorio izan da⁷.

Horregatik, emakumeek egitasmo honekiko **atxikimendu-maila handia** adierazi ohi dute. Alde batetik, erakundeetatik emakume-elkarteek eta mugimendu feministak identifikatutako behar edo eskaera bati erantzun egiten zaiolako eta, beste alde batetik, sortze-prozesutik bertatik inplikatzeko direlako emakumeak egitasmoaren nondik norakoak zehazterakoan euren ekarpena eginez, eta horrek guztiak espazio horiek eurenak sentitzea errazten du.

Oinarri honek Etxeen kudeaketa-ereduan ere isla du. **Kudeaketa-ereduari** dagokionez, bi tipologia garatu dira:

- Batetik, nagusiki udaletako berdintasun-sailek kudeatutako ekipamenduak daude. Kasu hauetan udalek dute Etxearen ia ardura osoa, eta eurak arduratzen dira Etxearen eguneroko gestio-lanez.
- Bestetik, kudeaketa partekatuan oinarritutako Etxeak daude, eta kasu hauetan Etxearen baitan sortutako elkarrekin eta berdintasun-sailek eskuz esku lan egiten dute Etxea aurrera eramateko⁸.

⁷ **Oharra:** Ikusi EDE Fundazioak Gipuzkoako Foru Aldundiarentzat 2018an egindako ikerketa hau: *Indarkeria matxistari lotuta, Emakumeen Etxeen zeregina. Diagnostikoa eta indartzeko proposamenak*.

Honenbestez, erakunde publikoen eta herritarren arteko etena kezka-iturri den garaiotan, Emakumeen Etxeen bidez **erakundeetatik herritarrekin lan egiteko eta politika publikoak garatzeko beste modu bat** ezartzen da, eta ezaugarri hau beste udal-ekipamendu nahiz politika publiko batzuentzat ere eredugarria izan daiteke.



Zer zailtasun edota behar identifikatzen dira?

Halere, dena ez da urre, eta publiko eta komunitarioaren arteko **harreman horretan tentsio eta arazo batzuk** ere sortzen dira.

Sarritan ez dago argi zehaztuta zein izan behar den erakunde publikoek eta herritarrek jokatu beharreko papera, zer den bakoitzarengandik espero dena, zer eskatu ahal zaion bati eta besteari, bakoitzak zer bermatu behar duen... Eta, beraz, **bakoitzaren rola argitzeko beharra** nabarmentzen da; berezik **erakunde publikoen rola zehazteko beharra** azpimarratzen da, urteetan zehar emandako aurrerapausoak finkatzeko.

Emakumeen Etxeak ekipamendu publikoak dira eta zerbitzu publiko bat ematen dute. Zentzu honetan, garrantzitsua da orain arte egindako bidea sendotu eta aurrera begira Etxeak indartu nahi badira **beharrezko baliabide eta bitartekoak jartzea**. Besteak beste, funtsezkoa da Etxeek aurrekontu propioa izatea, Etxeetako koordinatzaileen figura aitortzea eta Etxearen ezaugarri arkitektoniko eta espazialek Etxearen jarduera baldintza duinetan garatzea ahalbidetzea.

Gainera, erakundeen eta herritarren **parte-hartze logikak ezberdinak** izan ohi dira sarritan, lan egiteko moduetan, lan egiteko erritmoetan... desberdintasunak egon ohi dira, eta horiek talka batzuk eragin ohi dituzte.

Honenbestez, aurrera begirako erronketako bat izan daiteke nolabaiteko **oreka bat aurkitzea eremu publiko eta komunitarioaren artean**. Alegia, eremu publiko eta komunitarioaren arteko **elkarlanean sakontzeko**, eta elkar ezagutzatik eta elkar aitortzatik abiatuta, komenigarria izan daiteke **konfiantzan oinarritutako harremanak eraikitze baldintzak** lantzea, eta Etxeen jarduera indartzeko beharrezkoak diren baliabide eta bitartekoak jartzea.

⁸ Ibidem.

2. AHALDUNTZEKO ETA EMAKUMEEN TOPAGUNEAK SORTZEKO

Emakumeen eta gizonen arteko berdintasuna lortzeko ezinbesteko estrategia da emakumeen ahalduntzea (1995eko Beijingo Konferentzia, Nazio Batuen Erakundea).



- Emakumeen Etxeen **xede nagusietako bat da ahalduntzea.**
- Emakumeen ahalduntzea **modu egituratu eta formalean** sustatzeko hainbat baliabide eta bitarteko eskaintzen dira:
 - **Gune puntualak:** hitzaldiak, mahai-inguruak...
 - **Gune egituratu iraunkorrak:** kulturartekotasuna, dibertsitate funtzionala, indarkeria matxista...
 - **Aholkularitza-zerbitzuak:** juridikoa, psikologikoa...
 - **Parte-hartze sozio-politikorako espazioak:** Etxearen kudeaketarekin lotuta, nahiz lanketa zehatzak garatzeko.
- **Modu informalean** sortzen den giro berezi horrek ere emakumeen ahalduntze-prozesuak ahalbidetzen dituzte.



- Emakumeak norbanako eta kolektibo gisa ahalduntzen badira ere, zailtasun batzuk ageri dira **emakumeen ahalduntze soziopolitikoa** lortzeko.



Nola lantzen da oinarri hau?

Emakumeen Etxeen helburu nagusietako bat **emakumeen ahalduntze-prozesuak sustatzea** da; ahalduntzea ikuspegi feministatik eta zeharlerrotasunez lantzen da.

Marcela Lagarde antropologo feministaren arabera, **ahalduntze-prozesuen bidez** emakume bakoitzak “besteentzat aritzeari”, “besteentzat objektu izateari”, uzten dio, eta “**bere bizitzaren subjektu**” bihurtzen da, bere buruarentzat jardungo duelarik historiaren, kulturaren, politikaren eta bizitza sozialaren protagonista izanda. Gainera, Euskal Autonomia Erkidegoko Emakumeen eta Gizonen Berdintasunerako VII. Planean jaso bezala, ahalduntze-prozesuak **dimentsio indibidualaz gain, dimentsio kolektiboa, soziala eta politikoa** ere baditu.

Emakumeen ahalduntze-prozesuak nahiz euren arteko topaguneak sustatzeko, Etxeek **hainbat espazio formal** eskaintzen dituzte:

- **Trebakuntzarako eta hausnarketarako gune puntualak:** hitzaldiak, mahai-inguruak, tailerrak... Hainbat udalerritan jabekuntza eskola edota eskola feminista⁹ gisa egituratzen diren ikastaroak antolatzen dituzte, gai ezberdinen ingurukoak: antzerkia, batukada feminista, informatika, arteterapia, etab. Ikastaro horietako batzuek kurtso osoa irauten dute, eta beste batzuk, aldiz, iraupen laburrekoak dira; edozein kasutan, izaera puntuala daukate.
- **Emakumeek elkarrekin gai ezberdinen inguruan hausnartzeko eta eragiteko gune egituratu iraunkorrak:** izaera iraunkorra duten talde finkoak edota elkarguneak sortzen dira, lanketa sakonagoak egiteko modu kolektiboan eta, beraz, emakumeen ahalduntze-prozesuak sakontzeko bitarteko bezala uler daitezke.
Taldea horien dinamika horiek osatzen dituzten emakumeen beharretara egokitzen da: batzuk hilean behin elkartzen dira, beste batzuk hilean bi aldiz, etab. Talde horietan emakumeek gai ezberdinak jorratzen dituzte, besteak beste, indarkeria matxista, kulturartekotasuna, alfabetizazioa, harreman afektiboak eta tratu onak... Honenbestez, behar eta bizipen antzekoak partekatzen dituzten emakumeekin berariazko taldeak sortzen dituzte ahalduntze-prozesuak sustatzeko: zaintza-lanetan dabilzan emakumeen taldea, etxeko langileen taldea, banandutako amen taldea, jatorri anitzetako emakumeen taldea, dibertsitate funtzionala duten emakumeen taldea, emakume gazteen taldea... Talde horiek formatzaile profesionalek gidatu ohi dituzte.
- Jarduera-arlo ezberdinen inguruko **aholkularitza-zerbitzuak:** sexualitate-aholkularitza, ikasketak homologatzekoa, aholkularitza juridikoa eta psikologikoa... Sarritan zerbitzu horien eskutik gerturatzen dira emakumeak Etxeetara.

⁹ **Oharra:** Aipatu behar da Jabekuntza Eskolen Sarea eratu dutela Gipuzkoako udal hauetako berdintasun-sailek: Arrasate, Azpeitia, Eibar, Hernani eta Urola Garaia.

- **Parte-hartze soziopolitikorako espazioak:** Etxeek emakumeen partaidetza soziopolitikoak sustatzeko hainbat gune eskaintzen dituzte. Horietako batzuk Etxearen kudeaketa eta antolaketarekin lotutakoak izan daitezke (lantaldeak, koordinazio-guneak...) eta, beste batzuk, aldiz, kolektibo jakinek berariazko lanketak garatzeko espazio propioak (adineko emakumeentzako espazioak, neska gazteen txokoak...).

Emakumeen Etxeetan antolatzen diren jarduerak eta eskaintzen diren zerbitzu horiek guztiek **emakumeen ahalduntzea** bilatzen dute eta **ikuspegi feministatik** garatzen dira, hori da euren balio erantsia; eta aipatutako talde finko edota elkargune batzuek egonkortasun handia lortzen dute.

Bestalde, egin beharreko eskaintza zehazterakoan **emakume erabiltzaileen proposamenak eta ekarpenak nahiz emakume anitzen interesak eta beharrak** (ordutegi-aldeak, adibidez) hartzen dituzte kontuan; eta horiek baloratzerakoan ere emakumeek parte hartzen dute, denen artean hobetu beharreko alderdiak identifikatzeko. Gainera, aipatu behar da Etxeek egiten duten **eskaintza, oro har, doakoa** izan ohi dela, baliabide ekonomikoen faltak ikastaro eta zerbitzuen sarbidea oztoka ez dezan; eta ordaindu behar den kasuetan prezio sinbolikoa ezartzen da.

Horrez gain, aipatutako espazio formal horiez gain, **modu informalean eta egunerokotasunean** egiten diren harremanek (arreta egiterakoan, elkarren arteko tratuan...) eta sortzen den giro berezi horrek ere emakumeen ahalduntze-prozesuak ahalbidetzen dituzte.

Horrenbestez, oro har, **emakumeen ahalduntzea eta parte-hartze soziopolitikoari bide** ematen dioten espazioak dira Emakumeen Etxeak. Emakumeak gerturatzeko dira Etxera zerbitzu konkritu baten beharra dutelako edo ikastaro batean parte hartu nahi dutelako, gero horietako batzuk talde finko edo iraunkorretan parte hartzen hasten dira eta, azkenik, zenbaitek Etxearen kudeaketarako guneetan hartzen dute parte.

Emakume batzuek, beraz, **ahalduntzearen ibilbide hori bururaino** eramaten dute, norbanakotik kolektibora egiten dute jauzi; jabetu, ahaldundu eta boteretu egiten dira¹⁰, nahiz eta horrek bere denbora eskatzen duen. Eta **ibilbide horiek irudikatzen dituzte, nolabait, euren ahalduntze-prozesuak.**

¹⁰ **Informazio-iturria:** *Emakumeen boteretzea, saiakera eta zailtasunak*. Maider Zilbeti Pérez eta Eva Martínez Hernández. Uztaro aldizkaria, UEU, 2007.

Ikerketa honetan, jabetzea, ahalduntzea eta boteretzea bereizten dira. Laburbilduz, jabetzea da emakumeek bizi duten ezberdintasun-egoeraz maila indibidualean garatzen den kontzientziazioa; ahalduntzea norbanako bezala trebatzea eta gaitasunak lantzea ezberdintasunei aurre egiteko; eta boteretzea emakumeek bizi duten menderakuntza-egoeratik ateratzeko maila indibidual eta kolektiboan barne- eta kanpo-eraldaketa garatzea.



Zer zailtasun edota behar identifikatzen dira?

Dena den, sarritan ez da samurra izaten **ahalduntze-prozesu horiek bururaino** eramatea. Izan ere, emakume askok maila pertsonalean gaur egungo sexu-bereizkerien inguruan kontzientzia hartzen dute, beren bakardade-egoeratik atera eta maila kolektiboan ahalduntzea lortzen dute; baina soziopolitikoki ahalduntzea gehiago kostatzen da.

Eta horrek eragina du Etxearen antolaketan eta kudeaketan. Izan ere, Etxearen kudeaketan inplikatzeko ahalegin bat eta ahalduntze-maila sakonagoa eskatzen du eta, zentzu honetan, zailtasun batzuk antzematen dira **emakumeek sortuta dauden lanerako guneetan parte hartzeko**. Beraz, Etxeen kudeaketan emakumeen partaidetza bultzatzea aurrera begira landu beharreko alderdi bat izan daiteke.

3. INDARKERIA MATXISTA IKUSPEGI INTEGRALETIK LANTZEKO

Emakumeen Etxeek “*Emakumeen aurkako indarkeria matxistaren eta etxeko indarkeriaren aurkako eta honen prebentziorako Istambulgo Konbentzioan*” jasotako gomendioa jarraitzen dute. 18. artikuluan ezarritako gomendioa da lokal erreferente berebanean ezartzea komeni direla babes- eta laguntza- zerbitzuak.



- Indarkeria matxistari aurre egiteko **ekipamendu estrategikoak** dira.
- **Indarkeria matxista lantzeko ikuspegia** nabarmentzekoa.
- Esku-hartzeari dagokionez, indarkeriari **azkartasunez erantzuteko** gaitasuna dute.
- Indarkeriari aurre egiteko **tresna kolektiboak** eskaintzen dituzte.
- Egin beharreko esku-hartzean, funtsezkoa da **gizarte-politikekin modu koordinatuan jardutea eta elkar osagarritzen** diren zerbitzu eta bitartekoak eskaintzea.



- **Elkarlanerako eta elkar osagarritzeko zailtasunak.**
- Emakumeen urgentziazko beharrei erantzuteko **baliabide eta errekurtsio falta.**
- Kasuen **sistematizazioa hobetzeko** beharra; ez soilik indarkeriarekin lotutako emakumeen kasuak jasotzeko, baizik eta baita Etxeek egiten duten lanaren dimentsioa neurtzeko ere.



Nola lantzen da oinarri hau?

Emakumeen Etxeak **indarkeria matxistari aurre egiteko baliabide oso garrantzitsuak** dira, bai prebentzio-mailan, bai indarkeria jasaten ari diren emakumeak identifikatzeko edo deribatzeak daukaten gaitasunagatik, eta baita emakumeek izan ditzaketen premiei erantzuteko duten ahalmenagatik ere¹¹.

Emakumeen Etxeetan **indarkeria matxista ikuspegi integraletik** lantzen da eta, horrenbestez, alderdi guztiei erreparatzen zaie: sentsibilizazioa eta prebentzioa, detekzioa, deribazioa gizarte-zerbitzuetara (eta alderantziz) eta erreparazioa. Horrez gain, **emakumeen ahalduntzean** eta **erabateko erreparazioan** oinarritutako esku-hartzea egiten da.

Sentsibilizazioa eta prebentzioari dagokionez, Etxeetan antolatzen diren **jardueren bidez** (tailerrak, ikastaroak, hitzaldiak, solasaldiak...) **emakumeei tresnak eskaintzen zaizkie** indarkeria hauteman eta berorri aurre egiteko, indarkeria egitura sozial baten baitan kokatzeko eta arazo kolektibo bezala ikusarazteko, eta indarkeria matxistak izan ditzakeen forma ezberdinak identifikatzeko.

Horrez gain, **Etxeetatik kanpora begirako lana** egiten da, herritarrak indarkeria matxistaren inguruan sentsibilizatuz. Askotan herrietako eragile ezberdinekin (ikastetxeak, elkarteak...) egiten dute lan, sentsibilizazio-saioak antolatzeko nahiz emakumeak Etxeetara deribatzeak.

Esku-hartzeari dagokionez, maila ezberdinetan egiten da:

- **Informazioa:** Etxeek indarkeria matxistari buruzko informazioa eskaintzen dute.
- **Detekzioa:** Emakumeekin dagoen zuzeneko eta gertuko harremana funtsezkoa da indarkeria-kasuak antzemateko.
- **Kasuak bideratzea:** Etxeek duten irisgarritasunari esker, profil askotako emakumeak artatzen dira. Eskura dauden baliabide ezberdinei buruzko informazioa eskaintzen zaie emakumeei, eta horietara deribatzen dira; nagusiki GFaren arreta-zerbitzuetara. Edozein modutan, beste zerbitzu batzuetara bideratuta ere, Etxeetatik emakumeekin harremana mantentzeko saiakera egiten da, emakumea bakarrik geratu ez dadin. Beste zenbait egoeratan alderantzizko joera ematen da, eta gizarte-zerbitzuetatik Etxeetara deribatzen dira kasuak. Bereziki aipatzekoa da Donostiako Emakumeen Etxearen kasua; Gipuzkoako udalerrri askotatik egiten dira deribazioak bertara, lurralde-mailan duen erreferentzialtasunagatik, eta eskaintza zabala duelako.

Izan ere, Etxeek alor honetan eskaintzen duten dohainetako bat **azkartasuna** da. Emakumeen Etxeetarako sarbidea erraza eta azkarra da, emakumeei ez zaie inolako aurre-baldintzarik jartzen artatuak izateko, eta kasua aztertu eta gero zerbitzuetara azkar

¹¹ **Oharra:** Ikusi EDE Fundazioak Gipuzkoako Foru Aldundiarentzat 2018an egindako ikerketa hau: *Indarkeria matxistari lotuta, Emakumeen Etxeen zeregina. Diagnostikoa eta indartzeko proposamenak*.

bideratzen dira. Emakumeen beharren arabera zirkuituak diseinatzen dira: batzuk laguntza-taldeetara bideratzen dira, beste batzuk ikastaro jakinetara...

- **Arreta espezifikoak:** Etxe batzuek hainbat zerbitzu eskaintzen dizkiete emakumeei indarkeria matxistarekin lotuta. Adibidez, zerbitzu psikologikoa edota aholkularitza juridikoa. Zerbitzu horiek unean uneko urgentzia-egoerekin lotutakoak izan ohi dira, eta epe motzean eman ohi dira.
- **Erreparazioa:** etengabeko osatze-lana eskaintzen dute Etxeek, maila indibidualean eta maila kolektiboan.

Emakumeen Etxeetan **indarkeria matxista egiturazko arazo gisa** ulertzen denez, kolektiboki egiten zaio aurre. Etxeetan indarkeriari aurre egiteko tresna kolektiboak eskaintzen dira, eta tresna horien adierazle izan daitezke, esate baterako, hainbat Etxetan dauden **laguntza-talde edo elkargune espezifikoak**.

Eta laguntza-talde horiek oso baliagarriak dira indarkeria jasan duten emakumeen **errekuperazio-eta erreparazio-prozesuak burutzeko**¹², beste emakume batzuekin batera euren bizitzak berreraikitze aukera eskaintzen diete, bakoitzak behar dituen denborak errespetatzeko aukera ematen zaie, elkartasunean eta enpatian oinarritutako harremanak eraikitzen dira; eta, beraz, Emakumeen Etxeek berebiziko ekarpena egiten dute erreparazioaren eremu horretan.

Bestalde, egin beharreko esku-hartzean oso garrantzitsua da **gizarte-politikekin modu koordinatuan** jardutea, eta **elkar osagarritzen diren zerbitzu eta bitartekoak eskaintzea**. Aipatu bezala, gaur egun Emakumeen Etxeek hainbat hutsune betetzen dituzte: berehalako laguntza eta aholkularitza eskaintzen diete emakumeei, eta euren errekuperazio- eta erreparazio-prozesuak sustatzeko baliabideak eskaintzen dizkiete.



Zer zailtasun edota behar identifikatzen dira?

Gizarte-politikekin **elkarlanerako eta elkar osagarritzeko zailtasun batzuk** ageri dira. Batzuetan indarkeria matxistari aurre egiteko ikuskera ezberdinak eduki ohi dituzte eta, horrez gain, Emakumeen Etxeek gizarte-zerbitzuekin duten harremana aldakorra da: Etxe batzuek harreman oso ona dute, egiten den esku-hartzea gertutik ezagutzen dute, eta lankidetzan ari dira indarkeria jasan duten emakumeak artatzen. Beste Etxe batzuetan, aldiz, elkar ulertzeko zailtasunak daude, eta kasu horietan are zailagoa izaten da lankidetzan eta elkar osagarritasunaren ikuspegitik jardutea.

¹² Ibidem.

Honenbestez, aurrera begira komenigarria izan daiteke **eragile ezberdinen artean zer nolako arreta-sistema eraiki nahi den zehaztea**, hau da, eragile bakoitzaren funtzioak ondo definitzea, elkarren arteko koordinazio eta artikulazio egokia lortzeko¹³.

Era honetan, zentzuzkoa izan daiteke, orain arte bezala, Emakumeen Etxeek lehen arreta eskaintzea emakumeei, eurentzako sarbide erraza eskaintzen dutelako eta kasuak detektatzeko funtsezko rola jokatzen dutelako. Baina kasuek arreta iraunkorragoa eskatzen badute, pentsatzekoa da gizarte-zerbitzuen ardura izan beharko litzatekeela horiei etengabeko jarraipena eta segimendua egitea; eta ondoren emakumeak errekuperatu eta erreparatzeko berriz Emakumeen Etxeetara itzultzea.

Dena den, aipatu bezala, eredu hori **bi sailek elkarrekin lantzea eta adostea** komeni da, eta lurralde-mailan egin daitekeen ariketa bat izan daiteke.

Bestalde, emakumeen urgentziazko beharrei erantzun ahal izateko, ezinbestekoa da Etxeei **baliabide eta errekurso gehiago** ematea, bai ekonomikoak, eta bai pertsonalak. Gaur egun Etxeetan eskaintzen diren aholkularitza-zerbitzuetako profesional batzuk musu-truk ari dira euren jarduera profesionala garatzen, eta, beraz, Emakumeen Etxeek epe luzera begira eta indarkeria matxista nahiz hortik haragoko politika ezberdinak jorratu ahal izateko, funtsezkoa da beharrezko baliabideak ezartzea.

Azkenik, indarkeria jasan duten emakumeen **kasuen sistematizazioa hobetzeko beharra** ikusten da, ez soilik Etxeetatik indarkeriarekin lotuta pasatzen diren emakumeen kasuak jasotzeko, baizik eta baita Emakumeen Etxeek egiten duten **lanaren dimentsioa neurtzeko** edota egiten den lana **ebaluatzeko ere**. Zentzu honetan, komenigarria izango da horretarako zer datu jaso nahi den eta datuak jasotzeko irizpideak Etxeek elkarrekin zehaztea¹⁴.

¹³ Ibidem.

¹⁴ Ibidem.

4. MUGIMENDU FEMINISTAREKIN ALIAZAK EGITEKO, ERALDAKETA SOZIALAREN NORABIDEAN

Euskal Autonomia Erkidegoko nahiz espainiar Estatuko berdintasunerako legeek berdintasunaren aldeko elkarteak sustatzea, eta erakunde publikoen eta emakume-elkarteen nahiz eragile sozialen arteko lankidetzak babesten dute. (**Berdintasunerako 4/2005 Legearen 24.3 art. eta Berdintasunerako 3/2007 Lege Organikoaren 14.9 art.**).



- Zerbitzuak eskaintzen eta arreta ematen duten guneak izatetik harago, **emakumeen eta gizonen arteko berdintasuna eta eraldaketa soziala** sustatzeko.
- **Mugimendu feminista indartzeko**, kontzientzia feminista kritikoa sortzeko, eta praktikorako **baliabideak eta guneak eskaintzeko** eragileei eta taldeei.
- Beste **mugimendu sozialekin aliantzak eta elkarlana** sustatzeko.



- **Asistentziarako edo aisialdirako baliabide huts** bilakatzeko arriskuari iskin egitearen beharra nabarmentzen da.
- **Etxeen gogoak, ametsak, bizi-indarrak eta dinamikak asko edaten du mugimendu feministatik, emakume-elkarreetatik;** eta hori ez bada zaintzen, elikatzen, laguntzen... itzaltzen joaten da.



Nola lantzen da oinarri hau?

Emakumeen Etxeetatik ahalduzko-prozesuak sustatzen dira eta, aldi berean, **gizartea eraldatzeko espazioak** dira. Batetik, botere-harreman diskriminatzaileen inguruko sentsibilizazio-ekintzak burutzen direlako kontzientzia feministan sakonduz; eta, bestetik, emakumeen bizitzetan eragina izango duten praktikak gauzatzen direlako¹⁵. Modu honetan, Emakumeen Etxeak mugimendu feministarekin aliantzak egiten diren guneak dira, genero-berdintasunaren eta eraldaketa sozialaren norabidean lan egiteko.

Emakumeen Etxeak udalerrietan errotuta daude, eta horren adierazgarri da Etxeek **berdintasunaren eremuan dabilzan elkarte, talde eta eragileekin duten harreman estua**; izan talde feminista nahiz emakume-elkarteekin. Zentzu honetan, Emakumeen Etxeek **baliabideak eta bitartekoak eskaintzen** dizkiete talde horiei euren jarduera politikoa bertan garatzeko: materiala gordetzeko espazioa utziz, bilerak egiteko gelak eskuragarri jarritz, euren jarduerak bertan garatuz, etab. Zenbait kasutan talde horietako batzuetako ordezkariak Etxearen gilda edukitzen dute, beti ere erabilera-arau batzuk aintzat hartuta, euren dinamika bertan garatzeko.

Era berean, **mugimendu feminista eta emakumeen elkarteetako ordezkariak Etxeen kudeaketan inplikatzeko** dira neurri handiagoan edo txikiagoan, tokian toki dauden lanerako guneetan parte hartuz: lantaldeak, kudeaketa-batzordeak, asanbladak... Eta, horrez gain, udalerri batzuetan **elkarlanean antolatzen dituzte** egun konkretuen inguruko (Martxoaren 8a, Azaroaren 25a...) egitarauak nahiz bestelako jarduerak.

Gainera, Etxe batzuk egiten ari dira planteamenduak **Etiket kanpora ateratzeko, herriko beste hainbat espaziotan eragiteko**, berdintasuna udalerrietako txoko ezberdinetara heltzeko.

Mugimendu feminista eta emakume-elkarteekin ez ezik, **beste mugimendu sozialetako elkarte, talde eta gobernu kanpoko eragileekin** ere aliantzazko harremanak ezartzen dira. Adibidez, arrazakeriaren aurkako taldeekin (*SOS Arrazakeria...*), kulturartekotasuna lantzen duten taldeekin (*Bidez Bide* elkarte...), LGTBI gaiak jorratzen dituztenekin, lankidetzak eta kooperazioa jorratzen duten elkarteekin (*SETEM* federazioa...) eta abar, adibide batzuk aipatzearren. Era berean, **beste udal-zerbitzu batzuen** zenbait jarduera ere Etxeetan garatzen dira; gaztelekukoak, esate baterako.



Zer zailtasun edota behar identifikatzen dira?

Emakumeen Etxeak **asistentziarako edo aisialdirako baliabide huts bilakatzeko arriskuak iskin** egiteko beharra nabarmentzen da. Zentzu honetan, mugimendu feministarekin eta emakume-elkarteekin lankidetzan aritzeak helburu hori bistatik ez galtzea dakar, harreman horrek nolabait **asistentzia eta intzidentzia politikoaren artean oreka** bat mantentzen laguntzen du, zerbitzuak

¹⁵ Ibidem.

eskaintzearen inertzia ez erortzen, eta eraldaketa sozial eta politikorako bokazioa mantentzen; nahiz eta eguneroko jardueraren kudeaketa horrek patxadaz hausnartzea eta lanketa estrategikoa garatzea neurri batean mugatu egiten duen¹⁶. Aurrera begira ere, beraz, komeni da arrisku hori presente edukita jardutea.

Era berean, oro har **Emakumeen Etxeen eta mugimendu feministaren eta emakumeen elkarten arteko harremanak onak** dira, nahiz eta toki bakan batzuetan zailtasun batzuk identifikatzen diren. Zentzu horretan, lagungarria izan daiteke **mugimenduari eta Etxeei dagozkien rolak ezberdintzea**.

Bestalde, **Etxeen gogoak, ametsak, bizi-indarrak eta dinamikak asko edaten du mugimendu feministatik, emakume-elkarteetatik**. Lan eta denbora asko jartzen dute emakumeek modu boluntarioan, eta hori ez bada zaintzen, elikatzen, laguntzen... itzaltzen joaten da. Beste mugimendu batzuekin gertatu bezala, mugimendu feministaren eta emakume-elkarten egoera ere gorabeheratsua da; kasu batzuetan mugimendua indartsu dago, eta beste batzuetan, aldiz, ez; eta horrek eragin zuzena du Etxearen jardueran. Honenbestez, Etxeentzat garrantzitsua da mugimendua indartsu egotea, elkar elikatzeko.

¹⁶ Ibidem.

5. GUNE SEGURUAK, KONFIANTZAZKOAK ETA EPAIKETARIK GABEKOAK



- Espazioa seguru eta konfiantzazkoa egiten duena **ez da espazioa bere horretan bakarrik**.
- Emakumeen Etxeetako **profesionalen lana giltzarri** da.
- Bereziki nabarmentzekoa da **Etxeetako koordinatzaileen (dinamizatzaileen) rola**.
- Koordinatzaile guztiek **berdintasuneko berariazko ezagutza dute eta mugimendu feministarekin eta emakume-elkartekin harreman gertukoa eta konfiantzazkoa**.
- Egunerokotasuneko harremanetan **ahizpatasunaren balioa praktikan jartzen den** guneak dira.



- Etxeetako **koordinatzaileen profila eta funtzioak ondo zehazteko** beharra.
- Emakumeen Etxeak aurrerantzean ere indartu nahi badira, funtsezkoa ikusten da **koordinatzaileen presentzia ziurtatzea eta egonkortasuna bermatzea**, baita baliabide gutxiago dituzten udalerri txikietan ere.



Nola lantzen da oinarri hau?

Emakumeen Etxeak espazio seguruak, konfiantzazkoak eta epaiketarik gabekoak egiten duena **ez da espazioa bere horretan bakarrik**, nahiz eta espazioaren antolaketak eta ezaugarriek ere eragina duten.

Zeregin horretan, **Emakumeen Etxeetako profesionalen lana giltzarri** da, eta bereziki nabarmentzekoa da Etxeetako koordinatzaileen (dinamizatzaileen) lana. Euren rola oso garrantzitsua da Emakumeen Etxean parte hartzen duten **elkarte eta taldeen arteko harremanak** eta loturak egiterako garaian, eta euren presentzia funtsezkoa da ikastaroak egitera, printzipioz modu puntualean, hurbiltzen diren **emakumeei harrera egokia** egiten zaiela bermatzeko, gertutasun, konfiantza, babes eta goxotasun hori emateko.

Koordinatzaileek ematen duten arretan nahiz diseinatzen duten eskaintzan (programazioa nahiz zerbitzuak) **etengabe hartzen dituzte aintzat emakume anitzen beharrak eta interesak**, eskaintza hori etengabe erabiltzaileen behar eta interesetara egokitzeko sekulako ahalegina egiten da. Horrez gain, **azkartasunez erantzuten** zaie emakumeen unean uneko beharrei eta **behar den denbora eskaintzen** zaie, aldezturik inolako baldintzarik ezarri gabe eta inolako epaiketarik egin gabe. Modu horretan, emakumeek sentitzen dute **euren hitza kontuan hartzen** dela; ondorioz, enpatia, ulerkortasuna eta laguntzeko prestutasun hori faktore garrantzitsuak dira.

Horregatik, Etxeetako **erabiltzaileentzat funtsezkoa da koordinatzailearen aurrez aurreko presentziak eskaintzen duen erreferentzialtasuna**; eta, beraz, Etxeen zutabe garrantzitsuak dira.

Etxeetako koordinatzaile guztiek emakumeen eta gizonen arteko berdintasuneko berariazko ezagutza dute; **berdintasun-teknikarien eta Etxeetako koordinatzaileen artean lankidetzan** oinarritutako harremanak garatzen dira, eta modu koordinatuan kudeatzen dute Etxea. Horrez gain, **mugimendu feministatik eta emakumeen elkarteetatik gertu dauden pertsonak** izan ohi dira, askotan horietako partaide ere bai, eta horrek harremanak gertukoak eta konfiantzazkoak izatea errazten ditu.

Koordinatzaileez gain, Emakumeen Etxeetan **ikastaroak edota talde finkoak dinamizatzen edota zerbitzuak eskaintzen dituzten pertsonen profilak** ere inportantzia handia du; lantzen diren gaiak ez ezik, gai horiek lantzeko erabiltzen den moduak ere zerikusi handia duelako giro hori sortzerakoan.

Bestalde, Etxeetan emakume ezberdinek egiten dute topo, eta elkarren artean harremanak sortzen dira. Egunerokotasuneko harremanei garrantzia handia ematen zaie, harreman horietan **ahizpatasunaren balioa praktikan jartzen dute, elkarrekin konpartitzeko eta erlazionatzeko modu berriak** lantzen dituzte¹⁷; eta horrek guztiak ere ahalbidetzen du Etxeak gunegabekoak, konfiantzazkoak eta epaiketarik gabekoak izatea.

¹⁷ Ibidem.



Zer zailtasun edota behar identifikatzen dira?

Aipatu bezala, Emakumeen Etxeetako **koordinatzaileek funtsezko lana egiten dute espazioa dinamizatzerakoan nahiz aipatutako balioak praktikan jartzerako orduan**. Zeregin asko garatzen dituzte: programazioa diseinatzen dute, eskaini beharreko zerbitzuak pentsatzen dituzte, emakumeei harrera egiten diete, lan administratiboa egiten dute... Lan horiek garatzeak ikasketa espezifiko batzuk edukitzea eta profesionaltasunez jokatzeko eskatzen du, baina askotan ez zaie aitortzen daukaten balioa, eta euren lan-baldintzetan prekarietatea islatzen da: kontratu-motak, lanaldiak, ordutegiak, ordainsariak, azpikontratazioa, etab. Zentzu honetan, koordinatzaileen profila eta funtzioak ondo zehazteko beharra nabarmentzen da.

Emakumeen Etxeen egitasmoak gaur egun egitasmo biziak izatea neurri handi batean koordinatzaileek (nahiz berdintasun-teknikariek) egin duten **lan eskerga eta ekarpenari esker** izan da; eta aurrerantzean ere Emakumeen Etxeak indartu nahi badira, funtsezkoa izango da euren **presentzia ziurtatzea eta egonkortasuna bermatzea**, baita baliabide gutxiago dituzten udalerririk txikietan ere.

6. ANIZTASUNA EZAUGARRI ETA HELBURU



- **Aniztasuna ezaugarri.** Etheen ezaugarri nagusietako bat da emakume-profil ezberdinengana iristeko gaitasuna.
- **Irisgarriak, sarbide errazekoak.** Beste zenbait udal-zerbitzu baino errazago iristen dira herritarrengana.
- **Aniztasuna helburu.** Emakume-kolektibo jakinentzako eskaintza espezifikoa egiten da; lantalde konketuak sortzen dira euren interesak nahiz beharrak lantzeko, eta espazio propioak ere aurreikusten dira kolektibo jakinek erabiltzeko.



- **Zailtasun batzuk ageri dira kolektibo jakinengana heltzeko** eta lanketa iraunkorrangoak egiteko.
- Sarritan **aniztasuna kudeatzea konplexua** da.
- Emakumeen Etheen **bizitza-zikloetan ere aniztasuna ematen da**: Emakumeen Etxe bakoitzaren egoera aldakorra da.



Nola lantzen da oinarri hau?

Emakumeen Etxeen **beste ezaugarrietako bat aniztasuna** da. Emakumeen Etxeek emakume-profil ezberdinengana iristeko gaitasun handia dute: jatorri ezberdinetako emakumeengana, adineko emakumeengana, zaintza-lanetan diharduten emakumeengana, etab.

Beste **zenbait udal-zerbitzu baino errazago iristen dira herritarrengana**, Etxeen funtzionatzeko modua informala delako, ez delako batere burokratikoa eta ez delako aurrebaldintzarik ezartzen; eta malgutasun hori funtsezkoa da Etxeak gertu sentitzeko garaian. Herritarrek askotan ez dute jakiten Etxearen atzean udala dagoen ala ez, baina egotekotan, badakite zerbait desberdina eskaintzen dela bertan. Zentzu honetan, bat-batekotasun eta freskotasun hori mantentzea, espazio informalak berariaz bilatzea, aurrerantzean ere zaindu beharreko ezaugarriak dira.

Gainera, **aniztasuna berariaz bilatzen** den zerbait da. Arestian aipatu bezala, eskaintza zehazterakoan etengabe hartzen dira aintzat **emakume anitzen beharrak eta interesak**; eta **ordutegiak** horien arabera egokitu egiten dira.

Horrez gain, **emakume-kolektibo jakinentzako** (emakume gazteak, beste jatorri batzuetako emakumeak...) **eskaintza espezifikoak** egiten da, edota **lantalde konkrituak** sortzen dira euren interesak nahiz beharrak lantzeko: kulturartekotasun-lantaldeak, etxeko langileen lantaldea, gaztelania ikasteko alfabetatze-taldeak, gazteenak...

Horrez gain, beste zenbait kasutan, Etxean **espazio propioak** ere aurreikusten dira kolektibo jakinek euren beharrak asetzeko erabiltzeko; eta, beharrezkoa bada, **jarduerak Etxetik espazio publikora ateratzen dira eta modu deszentralizatuan antolatzen** dira (auzoetan, herrietan...), tokian tokiko emakumeen beharrei ahalik eta hobekien erantzuteko.



Zer zailtasun edota behar identifikatzen dira?

Dena den, **zailtasunak egon badaude kolektibo batzuegana** heltzeko eta **lanketa iraunkorrak** egiteko; adibidez, gazteengana, dibertsitate funtzionala dutenengana nahiz beste jatorri batzuetako emakumeengana. Migratzaileen kasuan, emakume askok etxeko langile bezala jarduten dute, denbora libre gutxi eduki ohi dute, eta horrek zaildu egiten du Etxearen dinamikara hurbiltzea. Horregatik, aurreko atalean jasotako bideak erabiltzen dira aniztasun hori bultzatzeko.

Bestalde, aniztasuna Etxeentzako ezinbesteko balioa bada ere, askotan emakumeen artean dagoen **aniztasun hori kudeatzea zaila** izaten da, sarritan emakume ezberdinek elkar ulertzea kosta egiten delako; ikuspegi, behar eta interes ezberdinak dituztelako; etab. Zentzu honetan, hizkuntzaren auziak gatazka eta tentsio batzuk sortu ditu kasu batzuetan eta, beraz, euskararen erabilerari lehentasuna emanaz hizkuntzen kudeaketa egokia egitea aurrera begira landu beharreko alderdietako bat izan daiteke.

Azkenik, Emakumeen Etxeen **bizitza-zikloetan ere aniztasuna** ematen da. Emakumeen Etxe batetik bestera dauden ezberdintasunak ez ezik, Emakumeen Etxe bakoitzaren egoera ere aldakorra da. Euren ibilbideetan zehar **arrakastak nahiz ahulezia-egoerak** bizi dituzte. Etxe bat gaur egun indartsu egoteak ez du bermatzen bihar ere hala izango denik. Inguruko aldaketek eragin handia izaten dute Etxeen dinamika eta errealtateetan; Etxeek une ezberdinak bizi dituzte beren bizi-zikloan zehar eta, zentzu horretan, *zaugarriak* dira.

Dena den, **badira urteetako ibilbidea duten Emakumeen Etxeak eta, ondorioz, udalerrietan erreferentzialtasun eta zilegitasun bat lortu** dutenak. Zentzu honetan, interesgarria izan daiteke sortzen ari diren Etxeek ere erreferentzia hori izan dezaten hausnarketa partekatuak egiteko guneak sortzea, elkarrekin eta elkarrengandik ikasten jarraitzeko, eta identifikatutako zailtasun eta beharrei lurralde-ikuspegitik erantzuteko.

6. AURRERA BEGIRAKO ERRONKAK

Atal honetan, Emakumeen Etxeen proiektua diseinatzeko fasean zehar **etorkizunera begira Gipuzkoako Emakumeen Etxeek dituzten erronka komunak** jaso dira, gogoeta partekatua bidez identifikatu direnak, eta elkarrekin eta lurralde-mailan, ia bi urteko iraupena izango duen egitasmo esperimentalaren bidez garatu ahal izango direnak.

Hauek dira **aurrera begirako erronka nagusiak**:

1. Emakumeen Etxeen ekarpena **aitortu eta balioestea, Gipuzkoan garatutako eredua sendotuz.**
2. **Emakumeen Etxeak indartzea:**
 - a) **Gobernantza kolaboratiboa:**
 - i. **Publiko-komunitario elkarlana sendotu.**
 - ii. Emakumeen **partaidetza areagotu.**
 - b) **Ahalduntze eta erreparazioarako** ekipamendu-izaera mantentzea.
 - c) Irismena handitzea, **aniztasunean sakonduz.**
3. Emakumeen Etxeen lana eta ekarpena **sistematizatzea.**
4. **Indarkeria matxistari aurre egiteko politika sozialekin koordinazioa eta osagarritasuna hobetzea**, ahalduntzearen eta erreparazioaren ikuspegitik.
5. Aipatutako erronkei aurre egiteko **beharrezko baliabideak bideratzea** (Etxeen koordinatzaileak, aurrekontuak, espazioak...).

Eranskina: EMAKUMEEN ETXEEN INFORMAZIO OROKORRA ETA JARDUERAK

**Arrasateko
Emakume Txokoa**



**Astigarragako
Emakumeon Etxea**



**Azpeitiko
Emakumeen Txokoa**



Eibarko Andretxea



**Errenteriako
Emakumeen Etxea**



**Hernaniko Kulturarteko
Plaza Feminista**



**Donostiako
Emakumeen Etxea**



**Urola Garaiko
Emakumeen Etxea**



**Zarauzko
Emakumeen* Etxea**



Elgoibarko LILA

Arrasateko Emakume Txokoa



1. Arrasateko Emakume Txokoa

INFORMAZIO OROKORRA:

Udalerrria:	Arrasate
Zein udalerritako biztanleak hartzen ditu:	
Biztanle kopurua:	22.073 biztanle
Etxearen izena:	Emakume Txokoa
Sortze-data:	2003
Helbidea:	Jose Luis Iñarra z/g. 20500 Arrasate
Ordutegia:	Astelehenetik ostiralera: 10:30-13:30/15:00-18:00 Ostiraletan: 10:00-14:00
Telefonia eta emaila:	Telefonia: 943 79 41 39 / 618 20 62 33 Emaila: emakumetxokoa@arrasate.eus
Sare sozialak:	Facebook: @Arrasateko Emakume Txokoa Twitter: @emakumetxokoa
Berdintasun Sailaren kokapena:	Emakume Txokoan

EMAKUMEEN ETXEKO JARDUERAK:

JARDUERAK	
TIPOLOGIA: hitzaldiak, tailerrak, ikastaroak...	GAIAK
Jabetze Eskolako ikastaroak	Kultura, aisia, osasuna, parte-hartze sozio-politikoak, eztabaida-hausnarketa feministak, jabetzerako gune espezifikokoak.... Denak ahalduz eta eragin feminista helburuei lotuta.
Formazio-saioak (Udaleko beste arloetako langileei edota herriko eragile ezberdinei zuzendutakoak)	Genero- eta sexu-aniztasuna/ Indarkeria matxista/ komunikazio parekidea/ ... eta beste hainbat.
Koordinazio-saioak mugimendu feministarekin	Sentsibilizazio-kanpainak (M8/AZ25)/ indarkeria matxista plana.
GJE! Beste eskolekin koordinazio-	Ildo estrategikoak, praktika onak, urteko plangintzak,

saioak	sistematizazioa...
ZERBITZUAK	
TIPOLOGIA: informazioa eta arreta, aholkularitza...	DESKRIBAPENA
Indarkeria matxistaren inguruko arreta, aholkularitza eta deribazioa	Emakume Txokora hurbiltzen diren emakumeei arreta eta aholkularitza eskaintzen die berdintasun-teknikariak (urgentziaz edo hitzordu bitartez).
Emakume Txokoko informazio-arreta	Emakume Txokoko eta Jabetze Eskolako erabiltzaileei eta informazio bila hurbiltzen direnei informazioa eta orientazioa eskaintzen zaie.
Doako informazio eta orientazio juridikoko zerbitzua	Gizarte-zerbitzuetatik bideratuta edo zuzenean etortzen diren emakumeei orientazioa eskaintzen zaie zerbitzuaren inguruan eta hitzordua tramitatzen zaie. Eskaintzen da izaera aurreprozesaleko banan-banako laguntza juridikoa, kontsulta bakar batean, informazioa eta aholkularitza juridikoa behar dituzten udalerriko emakumeentzat, alor zibilean, penalean, lanekoan eta administrazioarekiko auzietan, sexua dela-eta diskriminazio-egoerei dagokienez.
Indarkeria matxistari aurre egin dioten emakumeei zuzendutako talde-terapia	Talde-terapia hauen xedea da, emakume hauek indibidualki hasia duten ibilbide psikologikoan laguntza eta talde-bitartekoak eskaintzea. Finean, emakume hauen ahalduntze-prozesuetan sakontzeko bitartekoak eskaintzea da talde hauen misioa. Talde-terapia hauek terapeuta batek dinamizatzen ditu. Terapia 15 egunero ematen da, ordu eta erdiko saioetan.
BESTELAKO ERABILPENAK	
TIPOLOGIA: elkarleen bilerak, asanbladak, elkarleen arteko sareak...	DESKRIBAPENA
Indarkeria matxistari aurre egin dioten emakumeen taldea elkartzeko lekua	Elkartea sortu berria da, eta bilerak egiteko gela eskaintzen zaio. Beste elkarteei ere zabaltzen zaie aukera hau.
Mugimendu feministarekin	Urtean zehar hainbat koordinazio-bilera egiten dira

koordinazio-bilerak	(kanpainak, indarkeria matxistaren inguruan, plangintzari begira.....).
Emakume migratuentzako gunea	Jabetze Eskolaren baitan sortu den gunea eskaintzen zaie migratu diren emakumeei, elkartzeko, saretzeko eta formazioa ere eskaintzen zaie bertan.
Beste elkarte batzuekin informazio eta aholkularitza eskaintzeko aukera	<i>Bidez bide</i> elkartekoek emakume migratuei zuzendutako hitzaldi-aholkularitza eskaini dute, guk antolatuta edo beraien kanpainen baitan.

Astigarragako Emakumeon Etxea



2. Astigarragako Emakumeon Etxea

INFORMAZIO OROKORRA:

Udalerrria:	Astigarraga
Zein udalerritako biztanleak hartzen ditu:	Astigarragakoak
Biztanle-kopurua:	7.120 biztanle
Etxearen izena:	Astigarragako Emakumeon Etxea
Sortze-data:	2021/01/17. Irekiera-data: 2021/05/17
Helbidea:	Kale Nagusia, 23. 20115, Astigarraga.
Ordutegia:	- Astelehenetan: 17:00-19:00 - Astearte, ostegun eta ostiraletan: 10:00-13:00
Telefonia eta emaila:	Telefonia: 648 417 157 Emaila: emakumeonetxea.astigarraga@gmail.com
Sare sozialak:	Facebook: emakumeonetxea.astigarraga Instagram: emakumeonetxea.astigarraga
Berdintasun Sailaren kokapena:	Kale Nagusia, 48, Kontxa-enea

EMAKUMEEN ETXEKO JARDUERAK:

JARDUERAK	
TIPOLOGIA: hitzaldiak, tailerrak, ikastaroak...	GAIAK
Tailerrak	Nokaren erabilera; batukada feminista; menopausia, lurralde erotikoa.
BESTELAKO ERABILPENAK	
TIPOLOGIA: elkarten bilerak, asanbladak, elkarten arteko sareak...	DESKRIBAPENA
Asanblada	Elkartearen asanblada orokorra.
Bilerak	Elkartearen asteroko lan-bilerak.
Elkarten arteko bilerak	Etxearen egitasmoa zehazten jarraitzeko bilerak: lan-ildoak, funtzionamendua, balioak, erronkak...

Azpeitiko Emakumeen Txokoa



3. Azpeitiko Emakumeen Txokoa

INFORMAZIO OROKORRA:

Udalerria:	Azpeitia
Zein udalerritako biztanleak hartzen ditu:	Azpeitikoak
Biztanle-kopurua:	14.000 biztanle
Etxearen izena:	Azpeitiko Emakumeen Txokoa
Sortze-data:	2011
Helbidea:	Goiko Kalea 12, behea. 20730, Azpeitia
Ordutegia:	Astelehenetik ostiralera, 09:00-13:00 eta 16:00-19:00
Telefonia eta emaila:	Telefonoak: 943 15 70 55/ 688 751 000 Emaila: emakumetxokoa@azpeitia.eus
Sare sozialak:	Instagram: @emakumetxokoa Twitter: @ETxokoa Facebook: @AzpeitikoEmakumeenTxokoa
Berdintasun Sailaren kokapena:	Azpeitiko Udalean

EMAKUMEEN ETXEKO JARDUERAK:

JARDUERAK	
TIPOLOGIA: hitzaldiak, tailerrak, ikastaroak...	GAIAK
Hitzaldiak	Feminismoak, emakumeen eskubideak, genero-indarkeria, gai desberdinen lanketa ikuspegi feministatik...
Jabetze Eskolak	Gai anitzak.
Parte – hartze guneak	Yoga haurdunentzat, emakume migratzaileei zuzendutako alfabetizaziorako ikastaroak.
Neska Gazteen Txokoa	Gai anitzak.
ZERBITZUAK	
TIPOLOGIA: informazioa eta arreta, aholkularitza...	DESKRIBAPENA
Informazioa eta arreta	Emakumeen Txokoko ekimen eta zerbitzuen inguruko informazioa ematen da, eta emakume eta gizonen arteko

	berdintasuna lortzera begirako baliabide eta beharren inguruko arreta eskaintzen da.
Aholkularitza Juridikoa	Gai anitzen inguruko aholkularitza.
Liburutegi feminista	Kontsultarako eta mailegurako liburuak.
Gune informala	Emakumeen arteko saretze-gunea.
Plax!	Sexu- eta bikote-aholkularitza.
BESTELAKO ERABILPENAK	
TIPOLOGIA: elkarteen bilerak, asanbladak, elkarteen arteko sareak...	DESKRIBAPENA
Bilerak	Emakumeen Mahaiak, herriko talde feministak, Herri Hezitzaileak, Auto-antolaketa eta Neska Gazteen Txokoko gunea.
Hitzaldiak	Talde feministak antolatutako hitzaldi eta ekimenak burutzen dira.

Donostiako Emakumeen Etxea



4. Donostiako Emakumeen Etxea

INFORMAZIO OROKORRA:

Udalerria:	Donostia
Zein udalerritako biztanleak hartzen ditu:	- Donostiakoak: % 70 - Gipuzkoak: % 29 - Gainontzekoetakoak: % 1
Biztanle-kopurua:	186. 665 biztanle
Etxearen izena:	Donostiako Emakumeen Etxea
Sortze-data:	Irekiera 2010eko azaroa
Helbidea:	Okendo 9, behea. 20004, Donostia
Ordutegia:	Astelehenetik ostiralera 10:00etatik 21:00etara
Telefonoa eta emaila:	Telefonoa: 943483470 Emailak: silvana_ostiza@donostia.eus info@donostiakoemakumeenetxea.com Udaleko eta Etxeko email berri bat sortzeko bidean dago.
Sare sozialak:	Facebook: https://es-es.facebook.com/donostiakoemakumeenetxea/ Twitter: https://twitter.com/DSSEmakumeenEtx
Berdintasun Sailaren kokapena:	Emakumeen Etxean bertan


EMAKUMEEN ETXEKO JARDUERAK:

JARDUERAK	
TIPOLOGIA: hitzaldiak, tailerrak, ikastaroak...	GAIAK
Formakuntzarako blokeak	Iraupen laburreko tailerrak: teoria feminista, emakumeak eta zientzia, zahartzaroa, filosofia, autodefentsa, artea, osasun mentala, sexualitatea, alfabetizazio-ikastaroak...
Ekarguneak	Urte osoko espazioak dira, eta emakumeak edozein momentutan sartu daitezke taldeetan, baina betiere balorazio-elkarrizketak egin ondoren. Besteak beste,

	elkargune hauek daude martxan gaur egun: - Indarkeriarik gabeko bizitzaren aldeko emakumeak - Jatorri askotariko emakumeentzako kulturarteko gunea - Dibertsitate funtzionala duten emakumeen ahalduztze-taldea - Talde-terapia - Gazteei zuzendutako taldea
Matraka-guneak	Ikasturte osokoak: literatura, batukada, antzerkia, klown, kantua, xakea...
Hitzaldiak, liburu-aurkezpenak, zineforuma, bestelako ekitaldiak	Elkarteak edo Berdintasun Sailak berak antolatuta edo kanpotik proposatutakoak izan daitezke, betiere feminismoa eta berdintasuna oinarri badute. Osasun-larrialdi garaian asko gutxiagotu dira.
ZERBITZUAK	
TIPOLOGIA: informazioa eta arreta, aholkularitza...	DESKRIBAPENA
Informazioa, arreta eta deribazioa	Oinarrizko informazioa eskaini eta beharraren arabera egokien deritzon baliabideetara bideratzea. Gehienak Emakumeen Etxean bertan gelditzen dira. Hitzordurik gabe ematen da zerbitzua.
Aholkularitza-zerbitzuak: lege-aholkularitza, gizarte-aholkularitza, etxeko langileentzako eta ikasketak homologatzeko aholkularitza	Aurretiko hitzorduarekin ematen da. Familia-zuzenbidea, genero-indarkeria, atzerriartasuna, etxebizitza, enplegua, gizarte-laguntzera iristeko laguntza, kontratu-mota, soldata, kaleratzeak (etxeko langileen kasuan).
Arreta psikologikoa	Hitzordua eskatu behar da.
Sexualitateari buruzko informazioa eta aholkularitza	Gazteei zuzendutakoa da. Hitzordua eskatu behar da, eta online edo aurrez aurrekoa izan daiteke.
BESTELAKO ERABILPENAK	
TIPOLOGIA: elkarten bilerak, asanbladak, elkarten arteko sareak...	DESKRIBAPENA
Espazioaren lagapena	Alde batetik, Emakumeen Etxea Elkarteak berak hainbat batzorde ditu: batukada, danborrada, xake, zinea, artikulazioa, blokea mobilizazioetarako... Beste alde batetik, hiriko talde feministei eta emakumeen elkarteei zabalik dago Etxea. Deitu eta gela bat erreserbatu dezakete. Besteak beste, talde hauekin dago

	harremana: Plazandreok, Emakume kirolariak, Donostiako Asanblada Feminista, Bilgune Feminista, Garaipen elkarte, Romi Bidean, Emakume saharaiak, Emakumeen Mundu Martxa... Bestelako gobernuz kanpoko erakundeek ere antolatzen dituzte ekimenak: SOS Arrazakeria, Foro Soziala, Unesco Etxea, Jatorkin, SETEM, CEAR, Erroak Sartu, Haurralde fundazioa, Interred, Emakume pentsiodunak....
Berdintasun Sailak eta beste erakunde batzuk (Emakunde, Foru Aldundiak) antolatutako formazio eta bilerak	Gizarte-langileei zuzendutako formazioa berdintasunean; txosnetako arduradunei indarkeria matxistan eta autodefentsa feminista; komunikazio ez-sexista udal-langileentzat; Beldur Barik, genero-zeharlerrotasuna Gipuzkoako berdintasun-teknikarientzat, Berdinbidean, Eudel, herri txikietako teknikariak indarkerian....
Internet eta ordenagailuak	Sarrera librea kontsultak eta denbora pasa egoteko.

Eibarko Andretxea



5. Eibarko Andretxea

INFORMAZIO OROKORRA:

Udalerrria:	Eibar
Zein udalerritako biztanleak hartzen ditu:	Eibarkoak
Biztanle-kopurua:	27.566 biztanle
Etxearen izena:	Andretxea
Sortze-data:	2004ko martxoa
Helbidea:	Zezenbide 9, baxua. 20.600 Eibar
Ordutegia:	Astelehenetik ostegunera: 09:00 – 13:00 eta 16:00-20:00 Ostiraletan: 08:00 – 14:00.
Telefonia eta emaila:	Telefono finkoa: 943 54 39 38 Mugikorra: 688 85 34 40
Sare sozialak:	Facebook: Berdintasun Zerbitzua. Andretxea Twitter: Andretxea Eibar Instagram: ANDRETXEA EIBAR Telegram: Andretxea Eibar Webgunea: https://www.eibar.eus/eu/berdintasuna-andretxea
Berdintasun Sailaren kokapena:	Gizartekintzan (Portaleko eraikinean)

EMAKUMEEN ETXEKO JARDUERAK¹⁸:

JARDUERAK	
TIPOLOGIA: hitzaldiak, tailerrak, ikastaroak...	GAIAK
Ikastaroak	Indarkeria, genero-aniztasun sexuala, ahalduntzea, kultura...
Tailerrak	Indarkeria, genero-aniztasun sexuala, ahalduntzea, kultura...
Bilerak	Elkarte eta taldeenak, hornitzaileekin, Gipuzkoako Jabetze Eskolen Sareko kideekin, beste herriko talde edo elkarteekin...
Hitzaldiak	Indarkeria, genero-aniztasun sexuala, ahalduntzea, kultura, hezkidetza, zaintza lanak...
Jardunaldiak	Ekonomia feminista, Emakumeen Etxeen gaineko jardunaldia ¹⁹ , "Gure espazio propioak konpartitzen" ...
Ahalduntze Espazioak	- <i>Empalabramiento</i>: jabetzea bultzatzeko gaztelaniazko alfabetizazio-klaseak. - Harreman afektiboak tratatu onak sustatzeko. - Emakume anitzen topaketa espazioa.
Emanaldiak eta solasaldiak	Indarkeria, genero-aniztasun sexuala, ahalduntzea, kultura, hezkidetza, landa-eremua genero ikuspegitik kontsumoa genero ikuspegitik...
Liburuen aurkezpena	Indarkeria, ekonomia, historia...
Erakusketak	Itsaspeko bihotzak areto literarioa (hezkidetza eta genero rolen banaketa), Emakume asmatzaileak, martxoaren 8ko lehiaketaren kartelak, "Emakumeen ekarpenak Eibarko industrian", "Emakume erraketistak", "Artestura feministak erakusketa" ...
Antzezlanak	Maskulinitatea, indarkeria matxista, genero-rolak, emakumeen ahalduntzea...
Besterik	Andreen ibilbideak

¹⁸ **OHARRA:** Etxetik eta Berdintasun Zerbitzutik antolatzen diren jarduerak dira, baina askotan espazio-faltagatik edo Andretxeak behar diren baldintzak ez dituelako betetzen, jarduerak beste toki batzuetan gauzatzen dira.

¹⁹ **OHARRA:** Ikusi eranskinen atalean *Andretxea elkarrekin (bir)pentzatzen dugu?* dokumentua.

ZERBITZUAK	
TIPOLOGIA: informazioa eta arreta, aholkularitza...	DESKRIBAPENA
Informazioa	Berdintasun Zerbitzuak eta harekin erlazionatutako beste entitate batzuek egiten dituzten jarduera, kanpaina, programa, erakusketa, hitzaldi eta ikastaroei buruzko informazioa eta baita Emakumeen Mahaiari buruzkoa ere.
Orientazioa eta aholkularitza	Hainbat gairen gaineko baliabideen eta eskubideen inguruko orientazioa (indarkeria, genero-aniztasun sexuala, ahalduntzea, kultura...).
Formakuntza	- Jabetze Eskolako ikastaro eta tailerrak tresnak eskaintzen dituzte emakumeek beren buruaren eta bizitzaren jabe izateko, maila pertsonalean eta kolektiboan indartzeko, elkarrekin ikasteko, beren parte-hartze sozio-politikoa handitzeko eta errealitatea genero ikuspegi batetik aztertzeko. - Jabetze Eskolako ahalduntzeko espazioak: pertsonaetik kolektibora, talde-gakoko prozesua bezala, ahalduntzera begira lan egiteko espazioak dira behar ezberdinei erantzuteko. Ikasturte honetan garatuko diren espazioak hauek dira: <i>Tratu onen sustapenerako harreman afektiboak eta Gure burua maitatzen ikasten</i>. -Emakume elkarteek edota berdintasunaren aldeko elkarteek eskaintzen dituzten hainbat ikastaro eta jarduera.
Sentsibilizaziorako programak eta kanpainak	- Martxoaren 8ko kanpaina, Emakumeen Nazioarteko Eguna: berdintasunaren aldeko martxak, erakusketak, kartel-lehiaketa... - Maiatzak 17 eta ekainak 28, Lesbofobia eta Transfobiaren Aurka eta LGTBI eskubideen Aldeko Nazioarteko Eguna: informatzeko mahaiak, dokumentalen emanaldia, LGTBI bandera igotzea, hitzaldiak... - Azaroaren 25eko kanpaina, Indarkeria Matxisten Kontrako Nazioarteko Eguna: herritarren elkarretaratzea, hitzaldi

	irekiak, kontzientziarako ekintzak...
Baliabideak	- Generoan eta berdintasunean espezializatutako liburutegia ere badago, aholkularitza-zerbitzuarekin. - Hezkidetza lantzeko materiala. - Sexu-genero aniztasunaren inguruko materiala.
BESTELAKO ERABILPENAK	
TIPOLOGIA: elkarteen bilerak, asanbladak, elkarteen arteko sareak...	DESKRIBAPENA
Elkarteen bilerak	Emakume-elkarte eta taldeak beraien bilerak egiteko erabiltzen dute.
Elkarteen jarduerak	Elkarteei Andretxean egiten dituzte beraiek antolatutako jardueretako batzuk.
Martxoaren 8ko, azaroaren 25eko eta Andretxea berriaren lan-taldeak	Lantalde batzuk sortu dira, aipatutako berdintasunerako daten programazioak sarean eta modu parte-hartzailean egiteko. Eta bilerak, normalean, Andretxean egiten dira.

Elgoibarko LILA

6. Elgoibarko LILA

INFORMAZIO OROKORRA²⁰:

Udalerrria:	Elgoibar
Zein udalerritako biztanleak hartzen ditu:	Elgoibarkoak gehienbat, nahiz eta Jabetze Eskolan Mendaro, Azkoitia, Markina eta Bergarako emakumeek parte hartu izan duten.
Biztanle-kopurua:	11.582 biztanle (2018ko datua)
Etxearen izena:	LILA
Sortze-data:	Ireki gabe oraindik. Asmoa, 2021eko ekainean irekitzea da.
Helbidea:	San Frantzisko 21, 2. pisua. 20.870 Elgoibar.
Ordutegia:	9:30-21:30. Ez da arreta zuzenik aurreikusten. Txartel elektronikoen bidez Etxea zabalduz, espazioaren erabilera zabal bat egin ahal izango dute herriko mugimendu feministako kideek, arautegi bat jarraituz, noski.
Telefonia eta emaila:	berdintasuna@elgoibar.eus
Berdintasun Sailaren kokapena:	Espaziotik kanpo. Aita Agirre Kalea, 3an; Kultura, Euskara eta Gazteria Sailetak teknikaiekin batera.

²⁰ **OHARRA:** Oraindik espazioa ireki ez dela kontuan izanda, egun eskuragarri dagoen informazioarekin bete da fitxa.

Errenteriako Emakumeen Etxea



7. Errenteriako Emakumeen Etxea

INFORMAZIO OROKORRA:

Udalerrria:	Errenteria
Zein udalerritako biztanleak hartzen ditu:	Oarsoaldeakoak, baina edozein herriko emakumeentzat irekita dago
Biztanle-kopurua:	38.000-40.000
Etxearen izena:	Errenteriako Emakumeen Etxea
Sortze-data:	2019ko martxoa
Helbidea:	Txirrita Parkea, zk.g. 20.100 Errenteria
Ordutegia:	Astelehenak eta ostiralak: 09:00-13:00 Astearte, asteazken eta ostegunak: 16:00-20:00
Telefona eta emaila:	Telefona: 943 449 630 Emaila: emakumeenetxea@errenteria.eus
Sare sozialak:	<i>Herribizia</i> ataria erabiltzen da: https://errenteria.eus/es/ayuntamiento/areas-y-subareas-municipales/igualdad/emakumeen-etxea/ https://herribizia.errenteria.eus/es/casadelasmujeres
Berdintasun Sailaren kokapena:	Gizarte Zerbitzuen azpisaila da, Udalean kokatzen da.
Besterik:	https://errenteria.eus/udala/udal-sailak-eta-azpisailak/berdintasuna/emakumeen-etxea/

EMAKUMEEN ETXeko JARDUERAK:

JARDUERAK	
TIPOLOGIA: hitzaldiak, tailerrak, ikastaroak...	GAIK
Hitzaldiak	Erljioak ikuspegi feministatik; gorputza; internazionalismoa; hilerokoa; etab.
Mahai-inguruak	Emakume pentsionistak; alderdi politikoak; komunikazio feminista; transexualitatea; etab.
Liburu-aurkezpenak	Indarkeria matxista; teoria feminista; etab.
Antzerkia	Feminismoa
Sari-banaketak	Literatura
Dokumentalen proiektzioa eta zineforuma	Osasun mentala ikuspegi feministatik; indarkeria matxista;
Jardunaldiak	Eskola Feministaren hasiera- eta amaiera-jardunaldiak
Festak	Emakumeen Etxeko jaiak
ZERBITZUAK	
TIPOLOGIA: informazioa eta arreta, aholkularitza...	DESKRIBAPENA
Orientabide juridikoa	Abokatuak eskaintzen du, eta 16 urtetik gorakoentzat da. (Aipatutako estekan informazio gehiago).
Norbanakoaren jabekuntza-gunea	Psikologoak eskaintzen du, eta 16 urtetik gorakoentzat da. (Aipatutako estekan informazio gehiago).
Autozaintza psikologirako eta sexualerako gunea	2021an jarri da martxan. Hasieran hamabostero eta Aste Santutik aurrera, astero. Nork bere burua zaintzeko espazio bat da, non aholkularitza eta orientazioa eskaintzen zaien 14 urtetik gorako emakumeei, egoera edo arazo afektiboei, sexualei edo psikologikoei dagokienez. Bereziki gazteei zuzenduta dagoenez, aurrez aurreko zein telefono bidezko kontsultak edo <i>whatsapp</i> bidezko kontsultak erraztuko dira. Helburu nagusia da nork bere burua zaintzea eta indarkeriaren prebentzioa sustatzea, ikuspegi feministarekin eta emakumeen ahalduntzearekin, betiere identitateak eta sexu- eta genero-orientazioa errespetatuz. Asteazkenetan eskaintzen da, 17:00-19:00.
Berdinu, ikasketen	2021ean jarri da zerbitzua martxan, hilerokoa eskaintzen da.

homologaziorako eta prestakuntza ibilbideetarako aholkularitza	Bertan, behar duen edozein emakumek aholkularitza jasoko du prestakuntza-ibilbideei buruz, beste herrialde batzuetan egindako ikasketak baliozkotzeko izapideei buruz, lanbide- eta lan-berrorientazioari buruz, etab. Helburu nagusi hauek ditu: - Pertsona migratuen atzerriko ikasketak homologatzeko eta/edo baliozkotzeko prozesuetan banakako aholkularitza- eta informazio-zerbitzua, jarraipena eta laguntza ematea, batez ere mendekotasuna duten pertsonak zaintzen eta etxeko zerbitzuan lan egiten duten emakumeei. - Banakako ikaskuntza-ibilbideetan laguntza eta aholkularitza ematea, emakume migratuen autonomia pertsonala eta ahalduntzea lortzen laguntzeko. Hileko azken asteartean eskainiko da, 16:00etatik 18:00etara, aurrez hitzordua eskatuta.
BESTELAKO ERABILPENAK	
TIPOLOGIA: elkarte bilerak, asanbladak, elkarte arteko sareak...	DESKRIBAPENA
Elkarte, talde eta eragileen bilerak	Hauek dira 2019-20 ikasturte honetan Emakumeen Etxearen hilabeteko jarduerak antolatzen parte hartu duten elkarte eta gizarte-eragileak, edo beren bilera eta ekintzak antolatu dituztenak: - Garaipen Elkartea - Oreretako Asanblada Feminista - Bilgune Feminista - Amalatz Elkartea feminista - SOS Arrazakeria eta SOS Arrazakeriako Etxeko langileen taldea - Emakumeen Mundu Martxa - Sorginlore Elkartea - AFIT. Antropologia Feminista Ikerketa Taldea - Oreretako Lolitaren lagunak

	- Transkolore Elkartea - Naizen Elkartea - Setem Hegohaizea. Baloreen Faktoria - Ultramarino payaso. Klown.
Emakumeen Etxearen batzarrak	Urteko batzarrak
Bisita gidatuak	Udal-zinegotziak; auzotarrak; beste jatorri batzuetako emakumeak; etab.

Hernaniko Kulturarteko Plaza Feminista



8. Hernaniko Kulturarteko Plaza Feminista

INFORMAZIO OROKORRA:

Udalerrria:	Hernani
Zein udalerritako biztanleak hartzen ditu:	Hernanikoak
Biztanle-kopurua:	20.438 biztanle
Etxearen izena:	Kulturarteko Plaza Feminista
Sortze-data:	2021-09-01 (bertan gaude baina erdizka, data horretatik aurrera ohiko martxan)
Helbidea:	Florida 28, 20120 Hernani
Ordutegia:	Astelehena-ostirala: 09:30-21:30 Larunbatak: 09:30-13:00 eta 16:00-19:30 Uztaila eta abuztuan: 09:30-13:00
Telefonoa eta emaila:	Telefonoak: 943 33-70-17 688679599 Emaila: berdintasuna@hernani.eus
Sare sozialak:	Facebook: https://es-es.facebook.com/berdintasunahernani/ Twitter: https://twitter.com/BerdinHernani Whatsapp: 88679599
Berdintasun Sailaren kokapena:	Kulturarteko Plaza Feministan
Besterik:	Tarteko momentu batean daude, oraindik Kulturarteko Plaza Feminista (KPF hemendik aurrera) ez dago ohiko martxan. Beraz, aipatutako zerbitzuetako batzuk herriko beste eraikinetan ematen ari dira: Kultur Etxea, Zerbitzu Sozialak, Plaza Feminista... nahiz eta udal-bulegoa KPFn bertan izan. Fitxan jasotako informazioa egun dauden trantsizio-egoera horretatik ulertu behar dira.

EMAKUMEEN ETXEKO JARDUERAK:

JARDUERAK	
TIPOLOGIA: hitzaldiak, tailerrak, ikastaroak...	GAIAK
Jabetze Eskolako tailerrak	Emakumeen ahalduztze-tailerrak gai ezberdinen bueltan.
Hardunaldi-tailerra	Guraso izango direnei zuzenduta, gizonezko zein emakumezko, haurdunaldia bertatik hainbat gai lantzeko.
Hitzaldiak	Hainbat gairen ingurukoak.
Emagunea	Ahalduztzerako gune finkoa, 15 egunero 2 orduz.
Erakusketak	KPF-n erakusketetarako bi espazio izango dira, pasabidean, bi pisuetan (herrian beharr handia dago, leku bakarra kultur etxea da eta bi urteko itxaron-zerrenda izaten du).
Antzerkiak, zineforumak	Gai ezberdinen inguruan.
ZERBITZUAK	
TIPOLOGIA: informazioa eta arreta, aholkularitza...	DESKRIBAPENA
Aholkularitza psikologikoa	Indarkeria matxistari aurre egiten dietenentzat. Ez dago oraindik martxan, baina kontratua egin dago (eraikinera lehenago joango ginelakoan) eta irailetik aurrera martxan egongo da. Talde-lana eta aholkularitza banakoa uztartuko dira.
Aholkularitza juridikoa emakumeentzako	Gai juridikoak argitzeko zerbitzua emakumeentzat.
Sexu-aholkularitza gazte eta helduentzat	Biak aipatu arren, modu berezitan egiten da, biak egingo dira KPFn, baina bakoitzak bere espazioa izango du.
Informazioa eta arreta	Dinamizatzailak bertan eraikina irekia dagoen ordutegi osoan. Beraiek egingo dute batez ere hau.
Dokumentazio-gunea	Feminismoa eta arrazakeriaren aurkako gaien inguruko dokumentazio-zentro bat egongo da, horretarako areto bat dago antolatua.

AMHER-SOS Arrazakeriaren aholkularitza	Bertan izango du bulegoan. Hiru emakumezko liberatu aritzen dira bertan lanean, beraz hainbat gairen inguruko aholkularitza ere emango da bertan, baita akonpainamendu-zerbitzua ere. Erabiltzaile gehienak gaur egun ere emakumezkoak dira, baina ez guztiak.
BESTELAKO ERABILPENAK	
TIPOLOGIA: elkarteen bilerak, asanbladak, elkarteen arteko sareak...	DESKRIBAPENA
Elkarteen bilerak	Koordinadora Feminista, Berdintasun Kontseilua eta gainontzeko eragile feministek gela eta biltegi propioa dute (nahiz eta noski eraikin osoa erabil dezaketen). SOS Arrazakeriak ere bertan izango du bulegoa.

Urola Garaiko Emakumeen Etxea



9. Urola Garaiko Emakumeen Etxea²¹

INFORMAZIO OROKORRA:

Udalerrria:	Urola Garaia eskualdea
Zein udalerritako biztanleak hartzen ditu:	Ezkio-Itsaso, Legazpi, Urretxu, Zumarraga
Biztanle-kopurua:	Ezkio-Itsaso: 601 Legazpi: 8.321 Urretxu: 6.782 Zumarraga: 9.781 DENERA: 25.485 biztanle
Etxearen izena:	Urola Garaiko Emakumeen Etxea
Sortze-data:	2019-03-08
Helbidea:	Pagoeta Auzoa, 1. 20.700 Urretxu
Ordutegia:	Astelehenetik ostegunera: 08:00-16:00 Ostirala eta uda: 08:00-15:00
Telefonoa eta emaila:	943 25-23-89 berdintasuna@uggasa.eus
Sare sozialak:	Facebook: Urola-Garaia-Berdintasuna Twitter: @UGberdintasuna Instagram: berdintasunaug Whatsapp: 649-748-343
Berdintasun Sailaren kokapena:	Emakumeen Etxean


EMAKUMEEN ETXEKO JARDUERAK:

JARDUERAK	
TIPOLOGIA: hitzaldiak, tailerrak, ikastaroak...	GAIAK
Jabetze Eskolako tailerrak	Emakumeen ahaldunderako gai desberdinak (teorikoak, espresio artistikoekin lotutakoak, gorputzarekin lotutakoak...).

²¹ **OHARRA:** Deskribapen-fitxan jasotako informazioa osatzeko, ikusi eranskinen atalean Urola Garaiko Emakumeen Etxeko erabiltzaileek egindako ekarpenak.

Erakusketak	-
ZERBITZUAK	
TIPOLOGIA: informazioa eta arreta, aholkularitza...	DESKRIBAPENA
Aholkularitza psikologikoa	Edozein indarkeria matxista mota jasan duten emakumeek jasotzen dute aholkularitza zerbitzua.
Aholkularitza juridikoa	Gai juridikoak argitzeko zerbitzua emakumeentzat.
Informazioa eta arreta	-
BESTELAKO ERABILPENAK	
TIPOLOGIA: elkarteen bilerak, asanbladak, elkarteen arteko sareak...	DESKRIBAPENA
Elkarteen bilerak	Eskualdean dauden emakumeez osatuta elkarteek biltzeko erabiltzen duten espazioa. Bai elkarte feministak eta baita emakumeen elkarteek ere.

Zarauzko Emakumeen* Etxea



10. Zarauzko Emakumeen* Etxea

INFORMAZIO OROKORRA:

Udalerrria:	Zarautz
Zein udalerritako biztanleak hartzen ditu:	Zarauzko emakumeak
Biztanle-kopurua:	23. 260 biztanle
Etxearen izena:	Emakumeen* Etxea
Sortze-data:	2020/10/23
Helbidea:	Nafarroa 3c-behea. 20.800 Zarautz.
Ordutegia:	16:00-20:00
Telefonia eta emaila:	Telefonia: 943 005 136 Emaila: Emakumeen-etxea@zarautz.eus
Sare sozialak:	https://www.facebook.com/ZarauzkoEmakumeenEtxea Instagram – Zarauzko Emakumeen etxea
Berdintasun Sailaren kokapena:	Emakumeen etxeko eraikin berdinean. Nafarroa 3c-behea
Besterik:	

EMAKUMEEN ETXEKO JARDUERAK:

JARDUERAK	
TIPOLOGIA: hitzaldiak, tailerrak, ikastaroak...	GAIAK
Jabetze Eskolako ikastaroak (2020-2021)	Osasun emozionala; clown; autodefentsa feminista; elkar laguntzeko ahalduntze-lapikoa; meditazioa; arteterapia; COVID-19aren ondoriozko bizipenak; norberaren zaintza; ahalduntze digitala; sormen-laborategia; amatasuna; emakumeak eta umorea; etab.
Topaketak	Emakume etorkinen kolektiboa Emakumeen* Etxera hurbiltzea, eta haien kezkak eta proposamenak ezagutzea.
Inkesta	Emakume etorkinek Emakumeen* Etxearen eta Jabetzuntza Eskolaren programen inguruan dituzten beharrak eta interesak antzematea.

Hitzaldia	Gipuzkoako Jabetze eskolak: Zer dira Emakumeentzako Jabetze Eskolak? Zergatik parte hartu ikastaroetan? Zer da ahalduntzea?
BESTELAKO ERABILPENAK	
TIPOLOGIA: elkarleen bilerak, asanbladak, elkarleen arteko sareak...	DESKRIBAPENA
<i>Punto</i> terapia-taldea	Astean bi aldiz elkartzen dira bi orduz.
Edoskitze-taldea	Hilabetean behin ordubetez elkartzen dira edoskitzaroan dauden amei sostengua eta bidelaguntza eskaintzeko.
<i>Bidez bide</i> elkarlea	“Habilitación provisional” lortzeko kanpaina.